

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

大正十三年五月十五日
贈 田健次郎氏


了翁上座請大藏及有
家書置之武州雲山
禁掖安塔院恒唐中承
為學者不敢許出院內
富山二世鐵牛機謹誌



B 64853

C40-4514

佛法金湯編卷第七



會稽沙門 心泰 編

天台沙門 真清 閱

唐

都長安起高祖戊寅盡哀帝丙寅二十一年二百

八十九年

高祖

帝諱淵字叔德李姓隴西成紀人祖虎追謚景皇帝
父昞謚仁公生高祖於長安武德元年帝於朱雀門

東方朔集二

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

手為第拾

南衢建道場。設無遮大會。又命僧道各六十九人。於
太極殿。七日行道。設千僧齋。三年造靈仙會昌勝業。
慈悲證果五寺。嘗捨晉陽舊第為興聖寺。於并州造
義興寺。為太祖元皇帝造旃檀像三軀。以薦冥福。
年。太史令傅奕上疏毀教。法琳法師對詔論之。奕議
遂寢。辨正論并舊唐史

太宗

帝諱世民。高祖次子。貞觀元年。正月詔。在京德行沙
門。並各於當寺。行道七日。齋供所須。有司准給。二年。

詔畧曰。神道設教。慈悲為先。玄化潛通。亭育資始。朕
恭膺大寶。撫愛黎元。矜愍之心。觸類而長。是用旁求
冥貺。幽贊明靈。所冀九功惟叙。五福斯應。宜為普天
億兆。仰祈加祐。可於京城及天下諸州寺觀。僧道等
七日七夜。轉經行道。辨正錄是年三月。詔曰。自隋創
義志存極溺。北征東伐。所向平殄。凡所傷殫。難可勝
紀。手所誅剪。將近一千。切以如來聖教。深尚仁慈。禁
戒之科。殺害為重。爰命有司。京城諸寺。皆為建齋。行
道七日七夜。竭誠禮懺。冀三途之難。因斯解脫。萬劫

之苦藉此弘濟滅寃障之心。趣菩提之路。舊唐史三年閏十二月詔曰。有隋失道。九服沸騰。朕親總元戎。致茲明罰。切恐九泉之下。尚淪鼎鑊。八難之間。永纏氷炭。所以樹立福田。濟其營魄。可於建義以來。交兵之處。為義士囚徒殞身戎陣者。各建寺刹。招延勝侶。望法鼓所震。變炎火於青蓮。清梵所聞。易苦海於甘露。所司量定處所。並立寺宇。具為事條。以聞。稱朕矜哀之意。舊唐史是年。玄奘法師詣闕陳表。往西域。取未至經。帝不許。私遁而去。五年。帝以慶善宮為慈德。

寺。於昭陵立瑤臺寺。七年。勅禁堰寨。取魚者。并斷屠殺。度僧尼三千人。辨正錄九年十一月詔曰。三乘結轍。濟度為先。八正歸依。慈悲為主。流智慧之海。膏澤群生。剪煩腦之林。津梁品物。任真體道。理叶至仁。妙果勝因。事符積善。朕欽若金輪。恭膺寶命。至德之訓。無遠不思。大聖之規。無幽不察。欲使人免蓋纏。家臻仁壽。比緣喪亂。僧徒減少。華臺寶塔。窺戶無人。紺髮青蓮。柳風沐雨。春言凋毀。良用憮然。其天下諸州。有寺之處。宜度僧尼。數以三千為限。十四年五月。杜順法

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

佛如師順奉

師卒初為隋文帝所重給月俸供之至是帝愈敬之常引入宮事之如佛十五年五月帝幸弘福寺召沙門道懿五人賜坐言勅寺專為追崇穆太后言發涕零自製疏文令回向罷謂懿曰頃以老子是朕先宗故令道在前卿等應有所恨懿曰陛下尊祖宗降成式懿等荷恩詎敢有恨帝曰佛道大小釋老尊卑朕已久知豈以一時在上為勝耶故先老子者以別親疎之序非不留心於佛也自有國以來未嘗勅立道觀所在戰場皆建佛寺至於太原舊第亦以奉佛朕

關赴祖四託

存心如此卿等想未諭也朕意不迷則人不知十七年詔四祖信大師赴闕使者四返信堅卧不起就賜珍繒以遂其志釋監十八年勅曰如來滅度以末代澆浮付囑國王大臣護持佛法遺教經者是佛涅槃所說戒勅弟子甚為詳要末俗縉素不知崇奉永懷聖教用思弘闢宜令有司多寫經本付京官刺史各一卷若見僧尼業行與經不同者公私勸勉必使遵行舊唐史十九年正月玄奘還長安留守房玄齡表聞二月奘見帝於儀鸞殿帝曰師去何不相報奘曰

五清編卷十一

四

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

本苑城而奏矣

去時表三上。不蒙許可。乃輒私行。帝曰。師能委命求法。惠利蒼生。朕甚嘉焉。奘曰。奏西域所獲梵本經論六百五十七部。乞就嵩山少林寺宣譯。帝曰。朕頃為穆太后勅弘福寺。可就彼翻譯。勅房玄齡監護。資備所須。一出天府。玄奘傳二十二年六月。帝幸坊州玉華宮。召奘至。帝曰。比日所譯何經。奘曰。近譯瑜珈師地論。帝覽之。謂侍臣曰。佛教廣大。猶瞻天瞰海。莫極高深。九流典籍。如汀滌方溟渤耳。世言三教齊致者。此妄談也。因勅有司。寫新譯經論。頒賜十道總管。御

帝教聖製御

製三藏聖教序。以冠其首。賜奘百金磨衲。寶刀。嘗問奘曰。法門之益。何所宜先。對曰。弘法須人。度僧為最。帝悅。舊唐史稽古畧聖教序畧曰。蓋聞二儀有像。顯覆載以含生。四時無形。潛寒暑以化物。是以窺天鑒地。庸愚皆識其端。明陰洞陽。賢詰罕窮其數。故知像顯可徵。雖愚不惑。形潛莫覩。在智猶迷。况乎佛道崇虛。乘幽控寂。弘濟萬品。典御十方。大之則弥於宇宙。細之則攝於毫釐。妙道疑玄。遵之莫知其際。法泯湛寂。挹之莫測其源。然則大教之興。基乎西土。騰漢庭而皎

11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

五

夢照東域而流慈於是微言廣被極含類於三途遺訓遐宣導群生於十地有玄奘法師者幼懷貞敏早悟三空長契神情先包四忍翹心淨土往遊西域十有七年詢求正教凡六百五十七部譯布中夏聖教缺而復全蒼生罪而還福方冀茲經流施將日月以無窮斯福遐敷與乾坤而永大

高宗

帝諱治字為善太宗第九子永徽元年詔天宮慧威禪師補四大師朝散大夫五年特旨度沙彌窺基為

大僧

基尉遲敬德猶子慈恩是也

顯慶元年五月勅天下僧尼

有犯國法者以僧律治之不得與民同科三年六月帝初西明寺成出繡像長檣安奉西明帝曰佛道二教同歸一善釋宗為於無為道門德於不德師等學通古今業宗空有可共談名理以相啓沃沙門慧立道士張惠元七人於百福殿共論名理帝悅補立為西明寺都維那釋監四年十月制以玉華宮為寺追崇先帝詔奘法師居之麟德元年二月奘法師卒帝哭之慟罷朝五日顧左右曰國寶永失可謂痛心勅

聖記

准如來故事。欽以金棺銀槨塔於澹水之東原。乾封二年十月。道宣律師卒。有詔傷悼。勅天下寺。圖形塑像。以為軌範。舊唐史并二師塔銘帝在東宮日。製述聖記。畧曰。夫顯揚正教。非智無以廣其文。崇闡微言。非賢莫能定其旨。蓋真如聖教者。諸法之玄宗。衆經之軌躅也。綜括宏遠。奧旨遐深。極空有之精微。體生滅之機要。詞茂道曠。尋之者不究其源。文顯義幽。履之者莫測其際。故知聖慈所被。無善不臻。無惡不剪。開法網之綱紀。弘六度之正教。拯群有之塗炭。啓三藏之

秘局。伏惟皇帝陛下。垂拱而治。八荒欽衽。而朝萬國。石室歸貝葉之文。金匱流萬說之偈。遂使阿耨達水。通神向之八川。耆闍崛山。接嵩華之翠嶺。豈謂重昏之夜。燭慧炬之光。火宅之朝。降法雨之澤。於是百川異流。同會於海。萬區分義。總成乎實。玄英法師者。遠涉恒河。頻登雪嶺。問道往還。十有七載。以貞觀十九年二月六日。勅於弘福寺。譯六百五十七部。御製衆經序。理含金石之聲。文抱風雲之潤。治輒以輕塵足。岳墜露添流。畧舉大綱。以為斯記。

武后

后諱嬰并州文水人高宗后垂拱三年天竺沙門地婆訶羅此云日在長安譯密嚴等經后製序載初元

年勅沙門法朗等九人重譯大雲經並封縣公賜紫

袈裟銀龜袋賜紫始證聖元年初后以晉譯華嚴經

與會未脩遣使往于闐國迎實叉難陀至是至東都

大偏空寺與菩提流志重譯成八十卷后製序萬歲

通天元年遣使賜六祖能禪師水晶鉢磨衲衣白氈

香茶勅韶州守臣安撫山門聖曆二年釋古畧云長安元年

總釋譯重

勅法藏法師於佛授記寺講新譯華嚴至華嚴世界品講堂及地皆為震動即日引對長生殿宣敷玄義后茫然未決藏指殿隅金獅子為譬后豁然領解封師為賢首菩薩戒師集其說曰金獅子章學者尊稱為賢首教云高僧傳并舊唐史

中宗

帝諱顯高宗第七子母曰則天神龍元年降御札召六祖入京其辭曰朕延安秀二師宮中供養二師云南方能禪師密受忍大師衣法可召至閭法今遣內

侍薛簡馳詔迎請。願師慈念，速赴上京。師表辭以疾，簡還闕以奏。又遣使賜袈裟瓶鉢，以諭主上向慕之意。傳燈詔義淨三藏於內道場譯孔雀經，御製聖教序，以冠經首。二年，勅造聖善寺，命上庸公慧範加銀青光祿大夫，充寺主。沙門萬歲加朝散大夫，封縣公，充都維那。沙門廣清檢校殿中監，充功德使。八月，詔天下試童行經義，挑通無滯者度之。試經度僧景龍二年，勅高安令崔思亮往泗洲迎僧伽大師至京，居薦福寺。帝及百僚皆稱弟子。睿宗問萬回禪

僧成經試

師曰：僧伽何人？曰：觀音化身也。統紀

睿宗

帝諱旦，高宗第八子。景雲元年，大赦天下，賜百官封爵。普度僧道萬數。唐史二年三月三日，僧伽示寂，勅就薦福寺塑像，建塔。俄臭穢滿城，詔許歸泗，即異香郁然。遂奉全身還普光王寺，建塔。本傳十月，詔萬回禪師入宮，館於集賢院。十二月，忽求闕，鄉河水左右不可得，回曰：穴堂地可得也。回飲水畢，湛然而逝，贈司徒。號國公，勅圖形集賢院。本傳帝復於北苑甘露

穴得水

亭勅菩提派志同法藏塵外等譯大寶積經宰相張
說右丞盧藏用憍士賀知章中書侍郎陸象先尚書
鄧元振侍中魏知古潤文監護先天元年菩提派志
等進新譯寶積經百二十卷御製聖教序

統紀

玄宗

帝諱隆基睿宗第三子開元元年勅以寢殿材建安
國寺彌勒佛殿二年帝問左街僧錄神光法師曰佛
於衆生有何恩德致捨君親棄妻子而師事之神光
曰佛於衆生恩過天地明逾日月德重父母義過君

臣帝曰天地日月具造化之功父母君臣具生成之
德何以言佛並過此乎神光曰天只能蓋不能載地
只能載不能蓋日則照晝不照夜月則夜朗而晝昏
父只能生不能養母只能養不能生君有道則臣忠
君無道則臣佞以此而推德則不全且佛於衆生德
則不爾論蓋則四生普覆論載則六道俱承論明則
照耀十方論朗則光輝三有論慈則提拔苦海論悲
則度脫幽明論聖則衆聖中王論神則六通自在所
以存亡普救貴賤皆携惟願陛下留心敬仰帝悅曰

佛恩如此。非師莫宣。朕當生生敬仰。唐史三年。詔一

行禪師。入見。訪以安國撫民之道。及出世法要。又嘗

問國祚何如。行曰。鑿輿有萬里之行。社稷終吉。尋以

金合進之。帝一日發視之。乃當歸少許。祿山之亂。帝

幸蜀。至萬里橋。未幾果歸。乃悟其識。昭宗初封吉王。

唐之社稷。至昭宗遂滅。故云終吉。一行傳四年。無畏

三歲。至京館於西明。後因旱。帝遣高力士召畏祈雨。

畏曰。今旱數當然也。若苦召龍致雨。必暴。帝強之。曰。

人苦暑病。雖風雷亦足快意。畏乃盛水一鉢。以小刀

攪之。呪以梵言。須臾有物如龍。其大如指。矯首水面。

復潛鉢底。頃之有白氣自盃而升。直上數尺。畏謂力

士曰。巫去。雨至矣。既而大風震電。驟雨如傾。樹為之

拔。十八年。帝御花萼樓。召法師道胤。道士尹謙。對辨

四十餘反。尹謙義負。有旨編其所論入藏。號曰開元

佛道論衡。高僧傳并唐史十九年。御註金剛經。頒行天下。

經目廿六年。詔天下州郡各建一大寺。以紀年為額。

皆號開元。唐史天寶五年。詔不空三藏入內。立壇。為

帝灌頂。夏旱。復令禱雨。大霽。賜紫袈裟。絹二百疋。是

羊。制天下度僧尼。並令祠部給牒。十二年。西蕃入寇。安西。召不空入內。誦仁皇護國密語。帝親秉爐。有神介。胄而至。帝問曰。此何神也。空曰。北方毘沙門天王長子也。空誦密語遣之。四月二十日。西涼奏報。二月十一日。城東北三十里許。雲霧間。神兵長偉。城北門樓有光明。空中鼓角聲震天地。西蕃畏懼。卷甲遁去。帝覽奏。因勅諸道。城樓置天王像。不空傳。

肅宗

帝諱亨。玄宗第三子。即位於靈武。改元至德。時寇難。

方盛。或勸帝。宜憑佛祐。乃詔沙門百人。入宮行道。朝夕。諷頌。至德二載。詔令元皎。於鳳翔開元寺。建藥師道場。忽法會中。生李樹四十九莖。皎等表賀。勅荅曰。瑞李滋繁。國興之兆。生處伽藍之內。亦知覺樹之榮。感此殊祥。與師同慶。乾元元年。帝於禁中。立內道場。講誦讚頌。尋勅五岳各建一寺。選高行沙門主之。二年。詔天下諸州。各置放生池。勅昇州刺史顏真卿。撰碑。上元元年。勅中使。往韶州曹溪。迎六祖衣鉢。入內。瞻禮。二年。詔南陽慧忠。禪師赴京。詔曰。朕聞調御上。

乘父安中土。大雄付囑實。在朕躬。良緣斯在。勿以為勞。仗錫而來。京師非遠。齋心已久。速副朕懷。師赴京。安置于福寺。待以師禮。帝問師。在曹溪。得何法。忠曰。陛下還見空中一片雲否。帝曰。見。忠曰。釘釘著。懸掛著。帝一日。齋沐。致十問於師。師答之。稱旨。帝由是疑心玄理。舊唐史傳灯

代宗

帝諱豫。肅宗長子。廣德元年十一月。吐蕃陷京師。帝在華陰。五臺文殊出現。以秘語授帝。及郾子儀克復

會益齋五

京師。駕還長安。詔修五臺文殊殿。鑄銅為瓦。塗以黃金。釋監二年。詔內道場三百僧講誦仁王般若。永泰元年。詔天下有司。毋得捶辱僧尼。五月。送六祖衣鉢歸曹溪。九月。鑄金銅佛像成。帝率百僚致拜。大曆元年。七月。作孟蘭盆會於禁中。設高祖太宗以下七聖位。祇薦冥福。歲以為常。三年。詔不空。統於大興善寺立壇。命近臣諸將令師灌頂。署大廣智三藏。又詔徑山法欽禪師入見。待以師禮。及乞歸山。賜號國一。四年。於大明宮建道場。感佛光現。宰相裴冕表賀。五年。

加不空開府儀同三司肅國公九年帝夢建康牛首
 山辟支佛來見勅太子詹事古佚即山中建七級浮
 圖是年道士史華者以術得幸因請立刀梯與沙門
 角法勅兩街選僧應之沙門崇慧表請挫之帝帥百
 僚臨觀華履刃而上招慧登之慧躡而昇往復無傷
 乃命薪烈火聚於庭慧入以呼華華慚汗不敢正視
 帝大悅賜慧號護國三藏舊史稽古畧論衡

德宗

帝諱适代宗長子建中元年沙門圓照進新定四分

律疏勅賜紫衣充內供奉檢校鴻臚卿食邑三百戶

統紀

貞元二年詔律師道澄入宮為妃嬪內侍授三

敎戒賜號大圓律師四年詔迎鳳翔法門寺佛指骨

入禁中供養傳至諸寺瞻禮十五年四月帝誕節勅

有司備儀輦迎教授和尚澄觀入內殿闡揚華嚴宗

旨觀升座曰大哉真界萬法資始包空有而絕相入

言象而無迹妙有不有真空不空我佛得之妙踐真

覺廓淨塵習寂寥於萬化之域動用於一虛之中融

身刹以相舍沆聲光而遐燭戒皇得之云云帝顧謂

群臣曰。朕之師言雅而簡。詞典而富。能以聖法清涼朕心。乃以清涼賜為國師之號。清涼本傳

順宗

帝諱誦。德宗長子。在東宮時。問佛光如滿禪師曰。佛從何方來。滅向何方去。既言常住世。佛今在何處。滿曰。佛從無為來。滅向無為去。法身等虛空。常在無心處。又問佛向王宮生。滅向雙林滅。住世四十九。又言無法說。滿曰。佛躰本無為。迷情妄分別。法身等虛空。未嘗有生滅。云云帝大悅。永貞元年。嘗問清涼國師。

至道心法。師答曰。至道本乎其心。心法本乎無住。心躰靈知不昧。性相寂然。云云又嘗問尸利禪師。大地衆生。如何得見性成佛去。尸利曰。佛性如水。月中可見。不可取。帝悟其意。傳灯

憲宗

帝諱純。順宗長子。元和元年。十月。詔天下有修行僧。赴京闡化。二年。二月。勅沙門端甫。錄左街僧事。靈邃。錄右街僧事。詔信州。鰲湖。大義禪師。入麟德殿。設齋。召諸大德。論道。帝臨聽論議。有法師問。何謂四諦。義

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

曰。聖上一帝。三諦何在。又問如何是禪。義以指點空
 法師無對。帝曰。法師講無窮經論。只這一點。尚不奈
 何。帝問義曰。何者是佛性。義曰。不離陛下所問。帝默
 契。由是益重禪宗。四年五月。勅有司。別鑄金印。加清
 涼國師。號僧統國師。主教門事。釋監。八年。賜謚江西
 馬祖曰大寂。塔曰大莊嚴。九年。勅謚百丈懷海曰大
 智。塔曰大寶勝輪。十年。嶺南節度使馬總。以曹溪六
 祖。未有稱號。疏聞於上。詔謚大鑑禪師。塔曰靈照。十
 四年。遣中使杜英奇。迎鳳翔法雲寺護國真身塔內

鑑大祖只謚

釋迦文佛指骨。入內。帝御安福門迎拜。留禁中。供奉
 三日。五色光現。百僚稱賀。歷送諸寺。而威儀音樂。旌
 幡。偉盛殊特。刑部侍郎韓愈。上表極諫。帝大怒。貶潮
 州刺史。舊史并傳灯

穆宗

帝諱恒。憲宗第三子。長慶元年三月。盧龍節度使劉
 總舉幽燕。二十餘郡歸朝。乞度為僧。詔賜僧衣。號大
 覺大師。署所居第為報恩寺。舊史二年。遣左街僧錄
 靈真。賫詔起汾州無業禪師。赴闕。昇至。宣詔畢。稽首

曰。願師起赴。師笑曰。貧道何德。累煩人主。汝可先行。吾即往矣。遂沐浴端坐而逝。昇迴奏其事。帝嘉嘆。賜謚大達國師。傳燈嘗製南山宣律師讚。曰。代有覺人。為如來使。龍鬼歸降。天人奉事。聲飛五天。辭驚萬里。金烏西沉。佛日東舉。稽首皈依。隆律宗主。

敬宗

帝諱湛。穆宗長子。寶曆元年。勅兩街建方等戒壇。左街安國寺。右街興福寺。以中護軍劉規充左右街功德使。擇戒行者為大德。令試童子經。得度。說紀

文宗

帝諱昂。穆宗次子。太和元年十月。誕節。詔秘書監白居易安國寺。引駕大師義林。上清宮道士楊弘元。於麟德殿。談論三教。樂天文五年。帝好食蛤蜊。一日。有菩薩現像于蛤中。詔太乙山。惟政禪師。問之。政曰。物無虛應。此蓋廣陛下信心耳。經云。應以此身得度者。即現此身。而為說法。帝曰。大士已現。未聞說法。政曰。陛下觀此。為常耶。非常耶。信耶。非信耶。帝曰。希有之事。焉得不信。政曰。已說法竟。帝大悅。即詔天下寺院。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

皆立觀音聖像釋監開成三年三月澄觀卒帝以祖
聖宗仰特輟朝三日重臣縞素奉全身塔於終南山

宣宗

帝諱忱憲宗第十三子封光王武宗忌之拘於後苑
宦者仇士良潛令髡髮為僧乃周游天下見鹽官安
禪師安與帝曰時至矣無滯泥蟠囑以佛法武宗崩
左神策軍中尉楊公諷宰臣百官迎立之即位改元
大中閏三月詔曰會昌季年併省寺宇雖云異方之
教有資為理之源中國之人又行其道釐革過當事

聖光

體乖謬其靈山聖境應會昌五年所廢寺宇諸宿舊
僧可仍舊修復住持唐史二年勅上都東都荆揚汴
益等州建寺立方等戒壇為僧尼再度者重受戒法
五臺山建五寺各度僧五十人三年勅沙門靈晏為
左右街僧錄四年勅杭州鹽官安禪師所居院賜名
齊豐寺五年正月詔弘辯禪師入內帝問禪宗何有
南北之名師曰禪門本無南北至弘忍大師有二弟
子一慧能居嶺南一神秀在北揚化得法雖一而開
導發悟有頓漸之異故曰南頓北漸帝曰何名戒定

慧師曰防非止惡名戒六根涉境心不隨緣名定心境俱空照覽無惑名慧何名方便師曰隱實覆相權巧之門也何為佛心師曰佛者言覺心者佛之別名有人念佛如何師曰中下之根不能頓曉佛開觀門令念佛生於極樂是日弘辯奏對漏下七刻帝悅賜號圓智禪師舊史五灯

懿宗

帝諱漼宣宗長子咸通三年四月勅兩街四寺各建戒壇度僧杭州大慈山寰中卒僖宗賜謚性空大師

塔曰定慧仍為贊曰履踐真實心悟無際南泉趙州激揚酬對居乏寒泉虎跑以濟惟德斯馨風清日麗六年十二月三日德山宣鑒坐化勅謚見性禪師八年四月十日臨際義玄端坐說偈而逝勅謚慧照禪師塔曰澄靈十年三月洞山良价入寂勅謚悟本禪師塔曰慧覺十一年賜終南山道宣律師澄照之號十二年五月帝幸安國寺賜知玄沉檀寶座高二丈餘十四年三月造浮圖寶帳綠幡花蓋勅兩街往鳳翔迎佛骨四月八日至京帝御安福門迎拜之內瞻

禮群臣有諫者。王言憲宗迎佛骨。尋即晏駕。帝曰。朕生得之。死無所恨。帝每於禁中設講席。自唱經旨。手錄梵文。而為贊唄。舊史稽古畧虎跑寺記

僖宗

帝諱儆。懿宗第五子。廣明元年。以黃巢入寇。幸成都。詔知玄法師赴行在談論。賜號悟達國師。留宮久之。辭歸九隴。高僧傳又賜謚永嘉。玄覺白無相大師。塔號淨光。

昭宗

帝諱晔。懿宗第七子。龍紀元年。誕節。勅兩街僧道入內殿。講論。乾寧三年。勅於羅什法師譯經處重建草堂寺。四年。勅謚趙州從諗。曰真際大師。統紀

佛法金湯編卷第七

天台釋如惺重校

佛法金湯編卷第八

蕭瑀

瑀字時文。後梁明帝子。相高祖。太史令。傳奕七。上書請除佛法。高祖以其書付群臣議。大臣皆曰。佛法興自屢朝。弘善遏惡。冥助國家。理無廢棄。瑀曰。佛聖人也。而奕非之。非聖人者。無法當治其罪。太宗謂曰。佛道微妙。聖迹可師。且報應顯然。卿獨不悟其理。何也。

會稽沙門 心泰 編

天台沙門 真清 閱

[Faded bleed-through text from the reverse side of the page]

突對忤旨。太宗惡之。自是終身不齒。瑀於藍田造津梁寺。請法喜禪師居之。舊史并高僧傳

裴寂

寂字玄真。蒲州桑泉人。隋大業中。為晉陽宮副監。高祖即位。謂寂曰。使我至此者。公也。拜尚書右僕射。高祖一日問群臣曰。傳奕每言佛教無用。卿等何如。寂對曰。陛下昔創義師。志馮三寶。言登九五。誓啟玄門。今六合歸仁。富有四海。而欲納奕之言。豈不虧往德而彰今過乎。舊唐史

李師政

師政為秦王府典儀。高祖武德九年。述內德論。以非傳奕。其序畧曰。若夫十力調御。運法舟於苦海。三乘汲引。坦夷途於火宅。勸善進德之廣。六經所未逮。戒惡防患之深。九流莫之比。且佛惟弘善。不長惡於臣民。戒本防非。何損治於家國。若人人守善。家家奉戒。刑罰何得而廣。禍亂無由而作矣。云云謹著論三篇。其辨惑篇明邪正之通蔽。其通命篇辨殃慶之倚伏。其空有篇破斷常之執見。辨惑篇畧曰。有辨聰書生。

謂忠正君子曰。釋迦生於天竺。修多出自西胡。名位無儔於周孔。功德靡稱於典謨。實遠夷之尊敬。非中夏之師儒。忠正君子曰。夫由余出自西戎。輔秦穆公以開霸業。日碑生於北戎。侍漢武而除危害。何必取其同俗。而捨於異方乎。若夫怒已及物。孰與佛之弘乎。覩末知本。孰與佛之遠乎。勸善懲惡。孰與佛之廣乎。明空析有孰與佛之深乎。由此觀之。其道竒矣。聖人之德。無以加焉。豈得生於異域。而賤其道乎。云云

其通命。空有二篇。茲不錄。弘明集

房玄齡 杜如晦

玄齡字喬年。太宗即位。以玄齡有決勝負。定社稷之功。進左僕射。居相位十五年。封魏國公。謚文昭。沙門玄謨。玄奘翻譯經論。勅玄齡監護給事。如晦字克明。太宗即位。進右僕射。與玄齡共筦朝政。封萊國公。尊元琬法師之道。常詢法要。臨終。召琬願為世世之師。僧史

長孫無忌

無忌字輔機。佐太宗定天下。功居第一。封齊國公。貞

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

經譯新頒

觀二十三年。太宗以玄奘新譯經。頒賜十道總管。展轉流布。無忌與中書令褚遂良奏曰。佛教冲玄。天人莫測。陛下至道昭明。建立三寶。致法師陟險求經。歸國翻譯。若庵摩之始說。猶金口之新開。皆陛下聖德所感。臣等愚瞽。預此見聞。苦海波瀾。舟航有寄。况天慈廣遠。使布之九州。蠢蠢黔黎。俱貪妙法。臣等億劫欣逢。不勝感幸。舊唐史

褚亮

亮字希明。杭州人。十八學士之一也。與暹律師書畧

曰。弟子植生多幸。早預法緣。近於華岳。創立僧宇。此山蘊蓄奇秘。控接烟霞。賢哲之所同歸。結構雖淹。禪誦猶寡。且棟梁三寶。必資龍象之力。羽儀四衆。尤待鴛鴦之群。法師等學洞經典。譽宣真俗。仰願俯從。微請降迹來儀。則穉遠禪居。遙踪可擬。王珣精舍清塵不昧。是所願也。弘明集

虞世南

世南字伯施。越州餘姚人。大業中。累官至秘書郎。太宗時。為弘文館學士。後以銀青光祿大夫致仕。圖形

虞世南

二百六

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

凌烟閣謚文懿貞觀八年世南立疏曰弟子早年忽
遇重患當時運心差愈之日奉設千人齋今謹於道
場供千僧蔬食以其願力希生生世世常無病惱七
世久遠六道冤親並同今願法帖帝王畧論云公子
曰梁武夷凶剪暴克成帝業南面君臨五十餘載蓋
有文武之道焉至於留心釋典棄門比行以萬乘之
君為匹夫之小善熏修無染危亡已及豈其道非也
何福謙之無効乎先生曰世南釋教者出世之津梁
絕塵之軌躅運於方寸之內超於有無之表塵累既

盡攀緣已息然後入於解脫之門至若化俗之法則
有布施持戒忍辱精進禪定智慧與夫仁義禮智信
亦何異焉蓋以所修為因其報為果人有修此六行
皆多不全有一缺焉果亦隨滅是以聰明醜於貌而
慧於心趙壹高於才而下於位羅褒富而不義原憲
貧而有道其不同也如斯懸絕興喪得失咸必由之
下士庸夫見比干之剖心以謂忠貞不可為也聞偃
王之亡國以謂仁義不足法也若然者盜跖高枕於
東陵莊驕懸車於西蜀考終厥命良足貴乎公子曰

人君修道與匹庶殊乎。先生曰。人君者居尊高之地。執生死之權。勢疾風雲。力摧山岳。其威德大矣。其運行速矣。夫修道宜以弘濟為懷。仁恕為體。有一物失所。若已之納於隍。推此一言。以及萬物。則得道之真也。若乃澤不及於行葦。化不沾於海外。區區一介之善。亦無取焉。帝王畧論世南撰後世南卒。太宗夢見之。因詔曰。世南德行純脩。志存忠益。奄從物化。良用悲傷。昨因夜夢。倏覩斯人。兼進謹言。有若平生之舊。可即其家造五百僧齋佛像一軀。以資冥福。以申朕思舊。

之意

舊唐史

太宗破薛舉於幽州。立昭仁寺。世南撰碑。

褚遂良 李百藥 顏師古 許敬宗 朱子

奢 岑文本

遂良字登善。亮之子。貞觀中。累遷起居郎。又遷諫議大夫。兼知起居事。太宗破宋金剛於晉州。立慈雲寺。命遂良撰碑。李百藥字重規。定州人。正觀元年。為中書舍人。上封建論。太宗納其言。授太子右庶子。太宗破劉武周於汾州。立弘濟寺。命百藥撰碑。又嘗撰大乘莊嚴論序畧曰。大小乘學。悉以此論為本。於此不

通未可私法。本傳并大顏師古字籀先。瑯琊人。太宗

嘗歎五經寢訛。師古考定釐正。帝因班所定書於天

下。俄拜秘書少監。太宗破竇建德於鄭州。立寺慈寺。

命師古撰碑。許敬宗不知何處人。太宗破霍老生於

呂州。立普濟寺。命敬宗撰碑。朱子奢蘇州人。貞觀間。

累遷弘文館學士。太宗破王世充於洛州。立昭覺寺。

命子奢撰碑。岑文本字景仁。鄧州人。貞觀元年。除祿

書郎。遷中書令。太宗破劉黑闥於洛州。今廣平府立昭

福寺。命文本撰碑。文本少時常念法華普門品。曾乘

舟吳江。舟覆。人盡死。文本沒水中。若有人曰。但念佛。

必不死。既隨波湧出。至岍獲免。後於家設齋。一僧後

去。謂曰。天下方亂。君幸不預災。終逢太平。致富貴。言

訖。不見。及文本就齋。復於椀得舍利二。舊唐史并統

紀

閻丘胤

胤貞觀間。為台州刺史。將之任。俄病頭風。醫治不瘥。

豐干因遊方。偶至其家。自謂善療此疾。胤令治之。師

嚙以水。即愈。胤問師何來。曰。天台國清來。又問天台

金剛經卷八

七

三百十七

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

禮小寒拾得

有何賢士曰見之不識識之不見若欲見之不得取相寒山文殊道跡國清拾得普賢狀如貧子胤至郡即詣國清問豐干所居院僧道翹引至空房多見虎跡云禪師在日惟舂米供衆夜則唱歌自樂又問寒山拾得翹引至竈前見二人向火大笑胤前禮拜二人唱曰豐干饒舌彌陀不識禮我何為二人即把手而笑走向寒岩更不反寺胤乃令道翹於村豎人家屋壁竹石之上錄歌詩三百首輯之成編胤為作序并贊行世寒拾詩序

孫思邈

手寫華嚴

思邈京兆人上元元年高宗召見拜諫議大夫固辭帝問佛經以何為大邈曰無若華嚴上曰近英法師譯般若經六百卷何不為大邈曰華嚴法界是一切門於一門中可演出大千經卷般若乃華嚴中一門耳於是帝始持華嚴是歲思邈求還山乃入終南隱居篤志佛典手寫華嚴盧照隣稱思邈云高談正一則古之蒙莊子深入不二則今之維摩詰華嚴經感應傳及本思邈居終南山與宣律師善時大旱西域僧於昆

二百五十一

明池結壇祈雨。七日水縮數尺。有老人夜詣師求救。自稱池中龍神。師曰。可往求孫先生。老人至其室。思邈曰。吾聞昆明龍宮有仙方三十首。汝能傳之。吾當救汝。老人曰。此方上帝不許妄傳。今事急矣。俄捧方至。思邈曰。汝還無慮。自是池漲溢。思邈著千金方三十卷。每卷置一方。世不得而別。酉陽雜俎

杜行顛

行顛京地人。為鴻臚寺典客署令。蜀賓國沙門佛貍波利此云覺至五臺禮文殊。逢一老叟問波利曰。尔

波利回國取呪

何為來。曰。欲禮文殊。叟曰。曾持佛頂尊勝呪來否。曰。未也。叟曰。此土衆生。犯罪者多。能回取呪以流此土。作大利益。弟子當示師文殊所在。言已。忽不見。波利乃還本國取呪。調露元年。至長安。高宗命行顛及日照三藏同譯尊勝經。遇國諱皆避之。以世尊為聖尊。救治為救。除高宗曰佛經之言。豈當避諱。乃勅令改正。弘道元年。波利又將梵本與西明寺僧順貞共譯。與行顛譯者大同小異。高僧傳釋監

房融 瑄

融清河人任至中書門下平章事神龍元年貶高州
至廣州遇中印度沙門般刺密帝譯楞嚴經於制止
寺融為筆受瑄字次律融之子宰桐廬縣道士邢和
璞與之遊過夏口村入廢寺坐古松下使人掘地得
甕中所藏婁師德與永師書謂瑄曰頗憶此耶瑄恍
然悟前身為永禪師也唐史神會禪師令画工圖達
磨至六祖瑄作六葉圖序通論

張說

說字道濟或字說之洛陽人武后策賢良方正說對

策第一遷左補闕開元中為中書令封燕國公謚文
貞說為文精壯尤善釋典著般若心經序畧曰萬行
起於心心者人之主三乘歸於一者法之宗知心
無所得是真得見一無不通是圓通又製法地院法
堂讚曰是佛虛空相是法微妙光定慧不相離是僧
和合衆人空法亦空二空亦復空住心三空實是名
三皈處見若不染色知若不取識是名真實見亦名
解脫知佛觀離生滅諸法等如是說嘗寄香十觔附
武平一至曹溪禮六祖有詩曰大師捐世去空留法

身在願寄無碍香。隨心到南海。本傳并高僧傳

宋璟

璟邢州南和人。耿介有大節。好學。工文辭。舉進士第。開元中。與張說同日拜相。封廣平公。謚文正。為廣州節度日。入曹溪禮六祖塔。誓曰。弟子願畢世外護大。法。祈一祥瑞表信。言訖。微香襲人。甘雨傾注。璟訢躍賦詩而去。本傳并通論

李華 觀

華字遐叔。趙州人。天寶中。遷監察御史。嘗從荆溪然

兩日香檝

禪師學止觀。荆溪為述止觀大意一篇。包括大部時。同學者散騎常侍崔恭諫議大夫田敦也。潤州鶴林寺徑山之師。元素示寂。華撰碑文。畧曰。師菩提位中。六十一夏。父母之生。八十五年。赴哀位者。可思量否。至有浮江而奠。望寺而哭。十里花雨。四天香雲。幡幢蓋網光蔽。日月奉全身。建塔於黃鶴山。西原州。伯邑宰。執喪師之禮。故齊澣張均。梁升徐嶠等。皆菩薩戒弟子。道流人望。莫盛於此。弟子嘗聞道於徑山。猶樂正子春之於夫子也。唐書并碑文 觀字元賓。華從子。舉

經馬山制
宏辭連中授校書郎卒韓退之為作墓銘觀屬文不
旁沿前人時謂與退之相上下居父憂刺血寫金剛
經布諸其人以資父冥有奇香發其舍郁然連日香
及其隣 本傳并珠林

李通玄

通玄太原人宗室子也當武后時隱居不仕開元七
年以華嚴疏義繁衍乃持新譯經至太原孟縣高仙
奴家造論逾三年日食十棗栢葉餅一枚世號棗栢
大士又遷馬氏古佛堂閱十年負經書而去行二十

衆經

御覽子女

里偶一虎當途長者撫之曰吾將著華嚴論能為擇
栖止處否即以經囊負其背隨至神福山原下土龕
之前蹲駐長者乃於龕著論每夕口出白光以代燈
燭有二女子曰為長者汲泉炷香奉紙墨每食時輒
具淨饌置長者前齋畢撤罷而去如是五載長者著
論畢遂滅迹不見二十八年長者坐化於神福山著
華嚴論四十卷及決疑論會釋十門玄義緣生解迷
十明等十玄六相百門義海偈贊等並傳於世 本傳

顏真卿

真卿字清臣師古五世從孫博學工辭章開元中舉
進士累官尚書右丞封魯郡公真卿嘗受戒問道於
湖州慧明又問道於江西嚴峻嘗撰天下放生池碑
其畧曰乾元二年三月命史元琮張廷玉奉命詔布
德音始于洋州之興道訖於昇州之江寧臨江帶郭
上下五里各置放生池八十一所以宣皇明而廣慈
愛也易曰信及豚魚書曰暨鳥獸魚鼈咸若古之聰
明睿知神武而不殺者非陛下而誰昔殷湯克仁猶
存一面之網漢武垂惠纔致含珠之報雖流水救涸

寶勝称名蓋事止於當時尚介社於中古豈我今日
動者植者水居涸居舉天下以為池鑿域中而蒙福
乘陀羅尼加持之力竭煩惱海生死之津揆之前古
曾何彷彿

唐書

齊澣

澣字洗心定州義豐人武后聖曆初及第調蒲州司
法開元末為河南採訪使嘗問道於鶴林素公執弟
子禮又奏言至道可尊當從宗仰未免鞭撻有辱形
儀其僧道有過欲望一準僧道格律處分所由州縣

不得擅行決罰奏可舊唐史

王維 縉

維字摩詰太原人開元中擢進士累遷尚書右丞與弟縉皆篤志奉佛素衣蔬食喪妻不娶孤居三十年有別墅在輞川常遊吟其間母喪并請以輞川第為佛寺縉字夏卿少好學與兄維俱以名聞登上第祿山亂擢太原少尹佐李光弼後拜黃門侍郎縉好佛充甚不食葷血代宗嘗問以佛言報應果為有無縉奏曰國家運祚靈長非宿植福業何以致之福報已

寺佛第川輞

定雖時有小災終不為害所以祿山思明毒流方煽而皆有子禍僕固懷恩稱兵內侮出門病死回紇吐蕃大舉深入不戰而退此皆非人力所及豈得言無報應耶帝由是深信之唐史并本傳

元德秀

德秀字紫芝河南人少孤事母孝舉進士負母入京既擢第為魯山令母亡廬墓側刺血寫佛經絕筆感香芬馥弥日而息卒謚文行先生天下高其行不名謂之元魯山元結哭之曰公生六十年未嘗識女色

全易而表之

七

未嘗有十畝之地。未嘗完布帛而衣。具五味而食。吾
哀之者。以誠荒淫貪佞。綺紈梁肉之徒耳。舊唐史

杜鴻漸

鴻漸與張鎰。喬琳。陳少游。杜黃裳。高郢。皆郭子儀幕
中客。後俱拜相。鴻漸初撫巴蜀。至益州。遣使詣白崖
請無住禪師入城問法。弟子聞金和尚說。無憶無念
莫妄。三句法門。未審是一是三。無住曰。無憶名戒。無
念名定。莫妄名慧。然一心不生。則具戒定慧。非一非
三也。時聞鶡鳴。公問師聞否。師曰。聞與不聞。非關聞

性。有聲之時。是聲塵自生。無聲之時。是聲塵自滅。而
此聞性。不隨聲生。不隨聲滅。悟此聞性。即免聲塵流
轉。乃至色香味觸。亦復如之。公與僚屬喜躍稱善。公
又問。何謂識心見性。師曰。一切人隨念流浪。蓋謂不
識真心。不見本性。真心者。念生不順生。念滅亦不依
寂。不定不亂。平常自在。觸目皆如。無非見性也。鴻漸
由是棲心禪悅。晚年入相。以疾辭退。臨終。沐浴命朝
服。加僧伽梨。剃鬚髮。別衆而逝。依沙門法。焚其軀。傳
燈。嘗為金剛智撰紀德碑。

元載

戴字公輔鳳翔人嗜學工屬文天寶初下詔舉明莊老列文四子學者載策入高第累官同平章事進中書侍郎代宗喜祠祀而未重浮圖法每從容問所以然載與王縉盛陳福業報應帝意向之由是禁中禮佛夷狄入寇必合衆沙門誦護國仁王經為禳

舊唐

令狐德芬

德芬武德初為秘書丞高宗龍朔二年詔釋老致拜

拜跪不老釋議

君親勅群臣議之德芬時為司成館大司成議曰竊以釋老二教慈敬弘深有國因循遂開崇尚既久其法須從其道切謂拜伏理恐未通何者削髮異冠帶之儀持盃豈罇俎之禮申恩方祈定慧無勞拜跪嚴親報德有冀真如何必屈膝慈后山林既往非無廟之賓朝野裁殊理宜高尚其事今使責以名教有虧其旨臣等愚昧請從不拜為宜時衆議請拜者三百餘人請不拜者五百餘人六月八日詔曰朕商榷群議沉研幽顯然箕穎之風高尚其事遐想前代固

亦有之。今後不宜拜跪弘明

王勃

勃字子安。絳州龍門人。六歲善文辭。麟德初。劉祥道
巡行闕內。勃上書自陳。祥道表於朝。對策高第。羊未
冠。授朝散郎。數獻頌闕下。沛王聞其名。召署府修撰。
父福時。左遷交趾令。勃往省。渡海溺水而卒。兄勸勵
并勃。林易簡稱。為三珠樹。本傳嘗撰釋迦畫像記。維
摩畫像碑。釋迦如來成道記。其成道記。曰。觀夫釋迦
如來之垂迹也。淨法界身。本無出沒。大悲願力。示現

釋迦成道記

受生。洎堯率陀天。為護明菩薩。降迦毘羅國。號一切
義成。金團天子。選其家。白淨飯王。為其父。王象乘日
示現于大術胎中。金輪作王。創誕於無憂樹下。八十種
隨形之妙。好象若芬花。三十二大士之相。儀皎如滿
月。四方而各行七步。九水而共沐一身。現優曇花。作
獅子吼。言胎分之已盡。早證常身。為度生以還來。今
垂化迹。於是還羈襍襍。示類嬰兒。為占相也。悲悵於
阿私陀仙。往郊祠也。驚起於大自在廟。或為童子。或
學聲明。為講武也。箭塔箭井。猶存。為角力也。象跡象

坑仍在。受欲樂於十歲。現遊觀於四門。樂沙門身。厭
老病死。於是澡餅天子。以警覺彰妓女之醜容。淨居
天人。以捧持躍車。匿而嚴駕。逾春城於八夜。棲雪嶺
於六年。人辭愴戀主之心。馬舐落連珠之淚。揮寶刀
而落紺髮塔起天宮。將袈服以貿皮衣。形象山鹿。扣
林仙之所得了。世定之非真。食麥食麻。降苦降樂。且
理琴奏曲。必自中而曲成。佛果圓因。示假中而向果。
由是擇其處也。過龍窟。浴其身也。入連河。示其食也。
受難陀之乳糜。示其座也。受吉祥之茆草。以最後之

勝體。詣菩提之道場。圓解脫之深因。登金剛之寶座。
一百四十功德。不共二乘。八萬四千法門。高超十地。
由是魔軍威懾於慈力。愁怖旋歸。媚女敗毒於定心。
娥羸變質。於是堅牢地神。踊躍而作證。虛空天子。展
轉而報知。類蓮花而出水。赫煥無方。若桂月以懸空。
光明洞徹。經七日。受提謂之鈔審警。以少小之言。垂
一音。授賈客之戒。歸賜與人天之福。既成佛已。觀所
化緣。悲二仙而不過雷音。喜五人而堪從法化。然以
塵根昧劣。聖智淵深。順其法則。法不應根。順其根則

根不達法。莫不為愛河之長溺。緣痴樂之所盲。苟不利於當聞。仍假言於入滅。於是忉利帝釋雲。驅於三十三天。堪忍界主霧擁於一十八梵。頭面作禮。致敬專精。請轉法輪。勸隨宜說。如來尋念善逝通規。順古佛之嘉謨。應群機之鄙欲。于時十方佛現。同興讚美之詞。一法乘分。共創塵勞之域。由是起道樹。詣鹿林。三月調根。五人得度。憍陳如悟慈尊之首唱。勑解標名。舍利弗逢馬勝。以傳言於途。見諦。抹菽氏繼踵以師事。率門屬以同歸。迦葉氏彙跡以降心。領大徒而

迴席。莫不甘露洪澍。末尼普應。天界人界。鸚林尸林。或鷲池。或鷲嶺。或海殿。或庵園。或獼猴江。或火龍窟。或住波羅奈。或居摩竭提。或依堅固林。或止音樂樹。或海濱楞伽頂。或山際補陀岩。或迦蘭陀竹園。或舍衛國金地。或應念而空現。或沒山而出宮。或說法假於六方。或化身變為三尺。或掌覆而指變。或光流而佛來。或一身普集於多身。或此界便明於他界。或變淨而以淨覆穢。或隨俗而即俗明真。若空谷之答響。洪鐘之待扣矣。其間所說。阿含四有。般若八空。蜜嚴。

華嚴佛藏地藏思益天之請問楞伽山之語心萬行
首楞嚴一乘無量義大悲芬陀利法炬陀羅尼無垢
稱之說經須達拏之瑞應本事本生之別諷頌重頌
之殊象馬兔之三獸渡河羊鹿牛之三車出宅或謂
之有空守中也或謂之無轉照持也或謂之頓也漸
也或謂之半也滿也或無說而常說或不聞而常聞
或保任而可憑或加被而不忘無小而不大無邊而
不中三乘同入一佛乘三性同歸一法性真可謂父
母孩孺導師險夷懸日月於幽冥布舟航於幻海為

雲為雨使枯槁以還滋為救為歸指窮途於壽域暨
乎所作已辦功成不居將返本以還源類薪盡而火
滅由是指力地詣金河光流面門相驚塵刹山搖地
動俱興苦痛之聲異類變容同現奢花之血受純陀
之後供納毘耶之密言唱四德以顯三伊指萬有而
歸一性酬多羅迦葉四十二請問已周度須跋陀羅
八十一化緣將畢破十仙之橫計使獲朝聞建四塔
之崇規遐滋末葉將欲明有為之有滅表無相以無
生上昇金剛身往復虛空界日月其猶墜落螢光如

何久留。誠有常身。使無放逸。於是還登玉座。首卧鶴
林。遍遊三昧之門。將復一真之性。逆入半入。全超半
超。依四禪之等持。湛三點之圓寂。是時也。入天叫躡
鳥獸哀號。飄風驟雲。山吼波逆。案輪王之古式。方俟
奠儀。命力士以捧持。竟無能動。由是金棺自舉。逸拘
尸之大城。寶炬不然。駐閣維之盛禮。莫不未生。怨在
於王舍。創結夢於十號慈尊。大迦葉遠下雞峰。獲瞻
禮於千輻輪足。畢以兜羅綴毼。聖火自焚。焚王衆栴
檀之薪。注帝釋金瓶之水。彼願力猶在。悲心尚熏。碎

金剛之勝身。為舍利之遺骨。於是八國嚴衛。四兵肅
容。各自捧於金壘。競歸興于寶塔。於是若牙若髮。迦
葉波禮於切利天宮。或炭或灰。無憂王建於瞻部洲
界。若乃金言道在。塵劫法存。衆王去而象子隨。一燈
滅而一燈續。莫不大迦葉雲迎千衆。阿難陀雷吼三
輪商那表定於未來。趨多化壽而盈室。始自瓌梁之
感。終乎流乳之徵。餅罷異而水必同。燈點殊而光終
一。是以大乘之真空。妙有文殊。弥勒異其宗。小乘而
分巖析金。上座大衆元其部。或十支宏闡。或千部鬱

興馬鳴龍樹繼其芳。無着天親播其美。或提婆鑿眸
而作罷。陳那吼石以飛聲。或有偈齊祛於外宗。或十
師翊贊於遺頌。或聞經而夜升兜率。或待佛而窟寄
修羅。或劍誓首以要期。或象馱金而請釋。或賞能而
食邑。或得勝以建幢。或論般若之理也。名燈。或究俱
舍之非也。名電。莫不殊途異轍。終會一源。自有及空
咸歸萬德。自商周見虹貫。炎漢夢金人。教及神州。聲
流華夏。勃叻生季世。獲奉真譚。雖錄續而叙金言。在
飄零而不逢玉相。見聞盡爾。宗致昭然。蓋委遺文。不

復脩而言也。乃為銘曰。化起從本源。功成應賢劫。萬
行顯真宗。三祇積鴻業。為法出於世。降靈示分脇。眉
橫天帝弓。目帶青蓮葉。仙師相垂淚。天神爭捧接。灌
頂當在宮。飛輪化弥帖。宗承天日貴。象貫獅子頰。善
教誰與傳。抨彈獨豪俠。遊觀驚老死。逾城棄臣妾。落
髮親寶刀。貿衣遇群獵。寄跡狎麋鹿。苦身示羸怯。食
麋人盡知。坐草魔方懾。潔若蓮出水。明逾鏡開匣。山
海類高深。雲雷寺辭捷。三時教弥闡。萬類根自愜。四
問聊欲訓。千仙度相躡。補處記慈氏。遺文囑迦葉。卧

樹徒載春香薪已焚。悲心及綿遠。舍利光煇燁。獨
我生後時。餘波幸露涉。

李白

白字太白。與聖皇帝九世孫。天寶初。至長安。往見賀
知章。知章見其文。嘆曰。子謫仙人也。言於玄宗。召見
金鑾殿。賜食。上親為調羹。詔供奉翰林。白著金銀泥
畫西方淨土變相贊。并序曰。我聞金天之西。日沒之
所。去中華十萬億刹。有極樂世界焉。彼國之佛。身長
六十萬億那由他。由旬。眉間白毫。尚右宛轉。如五須

淨土變相贊

弥山。目光清白。若四海水。端坐說法。湛然常存。泓明
金沙。岸列珍樹。欄楯弥覆。羅網周張。車渠琉璃。為樓
殿之飾。頗黎瑪瑙。耀堦砌之榮。皆諸佛所證。無虛言
者。云贊曰。向西日沒處。遙瞻大悲顏。目淨四海水。
身光紫金山。勤念必往生。是故稱極樂。珠網珍寶樹。
天花散香閣。圖画了。在眼。願託彼道場。以此功德海。
冥祐為舟梁。八十億劫罪。如風掃輕霜。庶觀無量壽。
長願玉毫光。又為地藏菩薩贊曰。本心若虛空。清淨
無一物。焚蕩滯怒癡。圓照了見佛。五綵圖聖像。悟真

非妾傳，掃雪萬病盡。爽然清涼天，讚此功德海。永為曠代宣。又製誌公贊曰：水中之月，了不可取。虛空其口，寥廓無主。錦幪烏爪，獨行絕侶。刀齊尺梁，扇迷陳語。丹青聖容，何住何所。

本集

杜甫

甫字子美，杜陵人。肅宗至德二載拜拾遺。後為工部侍郎。甫好為方外遊。其詩有曰：漠漠世界黑，區區爭奪繁。唯有摩尼珠，照耀濁水源。傳燈無白日，布地有黃金。願聞第一義，回向心地初。問法看詩妄，觀身向

酒慵。地靈步步雪山草。僧寶人人滄海珠。蓮花交響共命鳥。金榜雙回三足鳥。重聞西方止觀經。他日林藜來細聽。等句。

本集

韋臯

臯字城武，京兆人。初生時，父飯僧，有應。真至齋畢，乳媪抱兒求呪，願尊者謂衆曰：此兒諸葛武侯也。他日有美政於蜀，宜以武字之。言訖，不見。其後臯游宦出處名節，大槩與武侯相類。治蜀二十一年，官至太尉中書令，封南康郡王。嘗為嘉州弥勒如來石像記。畧

至真應有僧飯

金湯編卷八
王
曰身長三百六十尺。目廣二丈。其餘相好。一一具足。覆閣九層。又撰鸚鵡記。畧曰。元精以五氣授萬類。雖鱗介毛羽。必有感清英純粹者矣。或炳耀離火。或稟奇蒼精。皆應乎人文。以奉若時政。則有革彼禽類。習乎能言。了空相於不念。留真骨於已斃。人有獻鸚鵡者。河東裴氏。謂此鳥名載梵經。智殊嘗類。常狎而敬之。始告之六齋之禁。及午。非時終夕不食。或教以持佛名號。則仰首奮翼。若善承聽。每清晨永夜。發和雅音。阿弥陀佛。聲聲相續。一日。有憔悴容。訓育者鳴磬

而告曰。將去此而西歸乎。每一擊磬。一稱佛。十擊磬而十念成。歛翼委足。奄然而絕。按釋典。十念成。往生西方。又云。得佛慧者。歿有舍利。遂命火焚之。得舍利十餘粒。貞元十九年九月日記。本傳

佛法金湯編卷第八

天台釋如惺重校

明府倪鵲庵助
鈔叁兩刻八卷

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

佛法金湯編卷第九

佛法金湯編卷第九

會稽沙門 心泰 編

天台沙門 真清 閱

韓愈

愈字退之。鄧州南陽人。父仲卿。愈三歲而孤。鞠於嫂鄭氏。自知讀書。日記數千百言。元和十四年。詔迎鳳翔法門寺塔佛指骨至京師。留禁中三日。五色光現。百僚稱賀。歷送諸寺。王公士民。瞻奉捨施。惟恐不及。時愈為刑部侍郎。上表極諫。帝大怒。將抵以死。裴度

佛法金湯編卷第九

崔群曰。愈言許。悟罪之誠。宜然。非內懷至忠。安能及此。願少寬假。乃貶潮州刺史。既至潮。聞大顛禪師之名。致書請入郡。問道。書曰。愈落孟夏。漸熱。惟道體安和。愈弊劣無謂。坐事貶官。到此。又聞道德。竊思見願緣。昨到來。未獲參謁。已帖縣令具人船奉迎。日夕。此瞻。愈白。又書曰。愈落海上窮處。無與話言。側承道高。思獲披接。專輒有此咨屈。此旬晴明。不甚熱。倘能乘。關一訪。實謂幸也。不宣。又書曰。愈落。慧。勻。至。辱答。問。珍。悚。無。已。所。示。廣。大。深。迴。非。造。次。可。量。傳。曰。書。不。盡。

愈大顛

言。言不盡意。然則聖人之意。其終不可得而見耶。如此而論。讀來一百遍。不如親面對之。愈曰。道無凝滯。行無繫縛。苟非所戀者。則山林閒寂。與城隍無異。大顛師。論甚宏博。而必守山林。不至州郭。自激修行。立空曠無累之地者。非通道也。勞于一來。安於所識。道。故如是。不宣。於是大顛至郡。愈甚敬焉。留師旬日。愈因祀神海上。登靈山。造其居。問道曰。如何是道。師良久。愈固措。云。顛問愈曰。子之貌鬱然。似有不懌。何耶。愈曰。愈用於朝。享祿厚矣。一旦以忠言不用。竄逐。

云

顛問愈曰

播越嶺海。毒霧瘴氣。日少發作。其生詎可保。安能有
憚乎。顛曰。子直言於朝也。忠於君而不顧其身耶。抑
尚顧其身。強言之。以徇名耶。且子之遭黜。所言何事。
愈曰。主上迎佛骨入大內。愈以佛者夷狄之法耳。三
代無佛。而年祚永久。晉宋梁魏事佛。不天則亂。恐主
上惑於此。是以不顧其身。而斥之。顛曰。若是則子言
謬矣。佛也者。陰天人之大器。其道則妙萬物而為言。
其言盡性命之理。其教則捨惡而趨善。去偽而歸真。
其視天下猶父之於子也。而子毀之。是猶子而刃父。

也。吾聞善觀人者。觀其道之所存。而不較其所居之
地。桀紂之君。跖蹻之徒。皆中國人也。然不可法者。以
其無道也。舜生東夷。文王生西夷。由余生于戎。季札
出於蠻。彼二聖二賢。豈可謂之夷狄而不法乎。以五
帝三王之代。未有佛而長壽。外丙二辛。仲壬四年。何
其天耶。以事佛之人。主天且亂。則漢明為一代之英
主。梁武壽至八十六。豈必皆天且亂耶。且子誦佛書。
其疑與先王異者。可道之乎。愈曰。何暇讀彼之書。顛
曰。子以佛不道先王之法言。未嘗讀彼之書。安知不

談先王之法言耶。佛與人臣言必依於忠。與人子言必依於孝。及其言之至。無方者也。無躰者也。鈔之又鈔者也。愈曰。師之言盡於此乎。顛曰。吾之所以告子者。蓋就子之所能而為之言。非至乎至者也。愈曰。幸聞其至者可乎。顛曰。誠爾心。盡爾性。窮物之理。極天^應之命。然後可聞也。愈量移袁州。復造顛廬。施衣二襲。請別曰。愈也將去師矣。幸聞一言。顛曰。吾聞易信人者。必其守易改。易譽人者。必其謗易發。子聞吾言而。易信之矣。庸知復聞他說。不復以我為非哉。俗稽占

應顛

畧

權德輿

德輿字載之。秦州畧陽人。元和初。拜禮部尚書。同平章事。嘗著單衣。禪師宴坐記。畧曰。信州南嶽。有宴坐之地。而禪師在焉。師居三十年。州人以草衣號焉。足不踏地。口不嘗味。時無寒暑。一繩床而已。身及智慧。二俱清淨。微言軟語。有時而聞。涉其境之遠近。隨其根之上下。如雨潤萬物。風行空中。履其門閭。皆獲趣入。若非幹玄機於無際。窮實相之源底。則四時攻於

記名

外有疾生於內矣。古所謂遺物離人而立於獨者。禪師得之。嗚呼。世人感物以游心。心遷於物。則利害生焉。吉凶形焉。牽縻羈鎖。蕩而不復。而至人則返靜於動。復性於情。天壽仁鄙之殊。由此作也。斯蓋世諦之一說耳。於禪師之道。其猶稊稗耶。統紀

李渤

渤字潛之。初隱廬山。久之。更徙少室。元和初。李巽嘗况文章薦之。以右拾遺召。不拜。穆宗召為考功員外郎。進諫議大夫。為江州刺史。日嘗問歸宗常禪師曰。

須彌納芥子。即不問。如何是芥子。納須彌。師曰。人傳使君讀萬卷書。是否。渤曰。然。師曰。摩頂至踵。如椰子大。萬卷書何處著。渤有省。唐史并傳燈

李泌

泌字長源。初無妻。不食肉。代宗強詔食肉。娶妻。德宗朝。進禮部尚書。同平章事。封鄴侯。聞瑣禪師居南嶽。人號嬾殘。泌往謁之。聞譚經聲。先悲愴。而後悅豫。知為隱者。候之良久。瓚撥火出芋食之。曰。領取十年宰相。至是泌用事。為帝言其高行。詔徵之。使者至石窟。

宣麻。瓚寒涕垂頤。凝然而坐。不以介意。使回。以聞德。

宗益嗟敬之。唐史并傳燈

孟簡

簡字幾道。元和中。為尚書。素好佛。韓愈與書有云。積善積惡。殃慶自以類至。何有去聖人之道。從夷狄之教。云云。簡答書云。來示云。積善積惡。殃慶自以類至。若是。則釋氏辨之精詳。盡欲人積善耳。故迦文為大士。言六度。為中根言十二因緣。為小根言四聖諦。又云。依法不依人。假如飛廉惡來之所為者。皆亡國滅

善愈答爾

身之道。故雖華夏。其可從乎。夏禹文王之所作。皆萬世受賜。故雖戎狄。其可斥乎。閣下徒以夷狄之說。辱聖賢之身。聖賢之身。必能忍辱。聖賢之法。其可辱乎。深所不取也。但閣下不奉即已。區區毀黷。豈積善之云乎。彼楊墨老氏之書。其所述作。於理偏虛。非中道要切。釋氏之教。則不然。大明積惡之根源。覈天下神道報應之微細。皎然言善惡之異路。為廣其道。奈何韓君。以愚人下俚翁嫗之情。見待之耶。然其法行於世。使人人自畏惡。修善。豈不大助教化之防與。附見

韓文公集

梁肅

肅字敬之。安定人。以補闕。修史。侍皇太子。卒。贈禮部
郎中。學天台教於荆谿禪師。深得心要。以止觀文義
弘博。覽者費日。乃刪定為六卷。行於世。有天台禪林
寺碑。天台止觀統例。智者大師傳論。統紀

于頔

頔字允元。貞元十四年。拜山南東道節度使。初為湖
州刺史。日進沙門皎然。杼山詩集。藏於御書殿。頔嘗

學天台教

進教

問熬玉禪師。如何是黑風。吹其船舫。漂墮羅刹鬼國。
師曰。于頔。這客作漢。問恁麼事。作麼。頔當時失色。師
指云。祇這箇便是。漂墮羅刹鬼國也。頔聞已信受。燈傳

李吉甫 武元衡 高崇文 薛平 鄭餘慶

陸長源

吉甫字弘憲。元和二年。擢中書侍郎。同平章事。嘗請
清涼觀師。為述華嚴正要一卷。武元衡字伯蒼。元和
中。拜相。嘗請清涼著法界觀玄鏡一卷。高崇文。其先
自渤海。徙幽州。七世不異居。開元中。再表其閭。累官

金吾將軍。擒劉闢有功。封南平郡王。請清涼著鏡燈
說文一卷。薛華為滑州節度使。與孟簡錢徽白居易
杜羔等請清涼製七處九會華嚴界圖心鏡說文十
卷。鄭餘慶字居業。鄭州滎陽人。擢進士第。貞元中。拜
同平章事。請清涼造華嚴綱要三卷。陸長源吳中人。
為汝州刺史。嘗撰華嚴經清涼疏序畧曰。大方廣佛
華嚴經者。西方謂之圓滿修多羅也。大者如宇之覆
方者如地之載。廣者籠萬有而為義。佛者極十號而
稱首。華者行業之繁繪。嚴者莊敬之成飾。其功大其

德圓。法教之宗系。經論之泉數。江河之歸東海。星象
之拱北辰。微妙甚深。不可得而稱也。又嘗請清涼撰
三聖圓融觀一卷。清涼國師碑刻

張仲素

解者佛
仲素為翰林學士。元和十四年二月。憲宗勅仲素撰
佛骨碑。畧曰。岐陽法雲寺鳴鶯草。有阿育王所造之
塔。藏佛指節。太宗特建寺宇。加之重塔。高宗遷之洛
邑。天后薦以寶函。中宗記之國史。肅宗奉之內殿。德
宗禮之法宮。據本傳。必三十年一開。則玉燭調。金鏡

朗氛浸滅稼穡豐

唐史

白居易

居易字樂天。其先太原人。後徙居下邳。居易敏悟絕人。工文章。年十七。登進士第。元和中。對策乙等。仕至刑部尚書。居易於東都所居。疏沼植樹。構石樓於香山。自號香山居士。又曰醉吟先生。嘗問心要於凝禪師。得八言。廣為八偈。八言謂覺觀定慧明通濟捨。其觀偈曰。以心中眼。觀心外相。從何而有。從何而喪。觀之又觀。則辨真妄。八偈見長慶集元和四年。詔惟寬禪師

入見問禪要。勅居易問師曰。既云禪師。何以說法。師曰。無上菩提者。被於身為律。說於口為法。行於心為禪。律即是法。法不離禪。長慶二年。居易知杭州。徑問道於烏窠禪師。師曰。諸惡莫作。善奉行。居易曰。三歲孩兒也。恁麼道。師曰。三歲孩兒。雖道得。八十老翁行不得。居易服其言。作禮而去。後至廬山。謁歸宗常禪師。值師泥壁。師問曰。君子儒。小人儒。居易曰。君子儒。師打泥朽一下。居易遂過泥。師接得。便用良久。云。莫便是快俊底。白侍郎麼。居易云。不敢。師云。祇有過

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

結上生會

泥分嘗勸一百四十八人。結上生會。行念慈氏名。坐想慈氏容。願當來世。必生兜率。晚歲風痺。遂專志西方。祈生安養。画西方變相一軸。為之願。曰。極樂世界清淨土。無諸惡道。及衆苦。願如我身病苦者。同生無量壽佛所。一夕念佛。坐榻上。倏然而逝。居易嘗於鉢塔寺。依如大師。受八關齋戒者九度。舊唐史并佛灯太和三年。蘇州重玄寺。刊石壁經。成。居易撰碑。畧曰。夫開示悟入。諸佛知見。以了義度無邊。以圓教垂無窮。莫尊於法華經。證無生忍。造不二門。住不思議解脫。莫

極於維摩經。攝四生九類。入無餘涅槃。實無得度者。莫先於金剛經。壞罪集福。淨一切惡。莫急於尊勝陀羅尼經。應念隨願往生。莫切於彌陀經。用正見觀真相。莫出於普賢行法經。詮自性認本覺。莫深於實相法密經。空法塵依佛智。莫過於般若心經。是八種經。具十二部三乘之要旨。萬佛之秘藏。盡矣。長慶集

龐蘊

蘊字道玄。衡陽人。世本業儒。志求真諦。初謁石頭遷禪師。問。不與萬法為侶者。是甚麼人。遷以手掩其口。

金湯編卷七

張

靈照
豁然有省。一日遷問曰。日用作麼生。蘊曰。若問日用事。即無開口處。乃以偈呈遷。遷然之。後叅馬祖。問曰。不與萬法為侶者。是什麼人。祖云。待汝一口吸盡西江水。即向汝道。蘊頓領玄要。元和。中。北遊襄漢。居郭西小舍。一女靈照常製竹漉籬賣。以供朝夕。將逝。令靈照出視早晚。及午。以報女。遷曰。日已中矣。而有蝕也。蘊出戶視之。女即登父座。合掌坐亡。蘊笑曰。吾女鋒捷。於是更留七日。州牧于頓問疾。蘊謂曰。但願空諸所有。慎勿實諸所無。言訖。枕頓膝而化。傳灯

柳宗元

宗元字子厚。河東人。少精敏。絕倫。為文章。卓偉精綬。第進士。博學宏辭科。貞元中。拜監察御史。元和中。為柳州刺史。後貶永州司馬。因自放山澤間。其湮厄感鬱。一寓諸文。送濬上人歸省序畧曰。金仙氏之道。本於孝敬。而後積以衆德。歸於空無。其教曰禪。曰法。曰律。上人專於律行。恒久彌固。其儀刑後學者歟。誨於生靈。觸類蒙福。其積衆德者歟。覲於高堂。視速如邇。其本孝敬者歟。撰南岳般舟和尚碑畧曰。和尚心大

行密體卑道尊。以為由定發慧。必用毘尼。師即崇類。作精室。曰般舟臺焉。嗚呼。無得而修。故念為實相。不取於法。故律為大乘。萬行方屬。一性恒如。寂用之涯。不可得也。送浩初上人序。畧曰。儒者韓退之。病予嗜浮圖言。訾予與浮圖遊。且曰。見送元生序。不斥浮圖。浮圖誠有不可斥者。徃徃與易論語合。誠樂之。其與性情爽然。不與孔子異道。退之好儒。未能過揚子。揚子之書。於莊墨申韓皆有取焉。浮圖者。友不及莊墨申韓之怪僻險賊耶。曰。以其夷也。果不信道而斥焉。

淨土院記

以夷則將友惡來盜跖而賤季札。由余乎。非所謂去名求實者。大吾之所取者。與易論語合。雖聖人復生。不可得而斥也。退之所罪者其迹也。撰淨土院記。畧曰。中州之西數萬里。有國曰身毒。釋迹如來示現之地。彼佛言曰。西方過十萬億佛土。有世界曰極樂。佛號無量壽如來。其國無三惡八難。衆寶以為飾。其人無十纏九惱。群聖以為友。有能誠心。大願歸心。是土者。苟念力具足。則生彼國。永出三界。得不退轉。其言無所欺也。晉時廬山遠法師。作念佛三昧詠。大勸於

時其後。天台顛大師著釋淨土十疑論。宏宣其教。述者賴焉。蓋其留異迹而去者甚衆。撰南岳大明律師。禪畧曰。儒以禮立仁義。無之則壞。佛以律持定慧。去之則喪。是故離禮於仁義者。不可與言儒。異律於定慧者。不可與言佛。撰六祖能大師禪畧曰。自有生物。則好鬪奪。喪其本實。詩乖淫流。莫返於初。而浮圖說。後出。推離還源。合所謂生而靜者。梁氏好作有為達磨譏之。空術益顯。六傳大鑒。其道以無為為有。以空洞為實。以廣大不蕩為歸。其教人。始以性善。終以性

善。不假耘鋤。本其靜矣。

全文並見本集

李翱

翱字習之。後魏尚書左僕射冲十世孫。中進士第。元和初。為國子博士。史館修撰。嘗為朗州刺史。仰慕藥山。惟儼禪師道風。屢請不赴。乃特入山。致敬。藥山端然看經。殊不顧視。翱乃云。見面不如聞名。拂袖便行。藥山却召翱。翱回首。何得貴耳賤目。遂頂拜起。問如何是道。藥山以手指天。復指淨瓶。翱曰。不會。藥山云。雲在青天。水在瓶。翱拜謝。乃呈偈云。鍊得身形似鶴

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

南大山登

形千株松下兩函經。戒來問道無餘事。雲在青天水在瓶。一夕師登山。忽雲開見月。大嘯一聲。聲落澧陽八九十里。翔聞之。復寄偈曰。選得幽居愜野情。終年無送亦無迎。有時直上孤峰頂。月下披雲嘯一聲。翺嘗著復性三篇。其一。謂情昏則性匿。忘情則復性。其二。謂無思則寂照。其三。謂昏而不思。終不明道。傳燈

并本集

裴度

度字中立。河東聞喜人。歷四朝。文宗詔節度河東。二

年拜中書令。封晉國公。謚文忠。嘗與三十餘人。問道於國一欽禪師。行門人禮。在河東時。奏五臺佛光寺慶雲現。見文殊乘獅子。於空中從者萬衆。帝遣使供萬菩薩。是日。復有慶雲見。鍾津集

庾承宣

承宣登貞元八年第。與韓愈。歐陽詹等同榜。號龍虎榜。嘗撰福州淨光塔銘。其序畧曰。觀察使柳公監軍使魚公。相與言曰。報君莫大於崇福。崇福莫大於樹善。樹善莫大於佛教。教之本其在浮圖歟。夫浮圖者

古

上參諸天。下鎮三界。影之所蔭。如日月之照。破昏為明。鈴之所響。如金石之奏。聞聲生善。如是之福。盡歸人主。謀之既臧。相顧踊躍。食王祿者。樂於檀施。荷帝力者。悅而獻工。後無告勞。功用斯畢。皇帝嘉焉。賜額曰貞元無垢淨光之塔。舊唐史

劉禹錫

禹錫字夢得。系出中山。擢進士第。登博學宏詞科。終檢校禮部郎中。嘗撰六祖大鑿禪師第二碑。曰元和十年某月日。詔書追褒曹溪第六祖能公。謚曰大鑿。

碑祖六

實廣州牧馬綰。以疏聞。由是可其奏。後三年。有僧道琳率其徒。由曹溪來。且曰。願立第二碑。學者志也。維如來滅後。中五百歲。而摩騰立法蘭。以經來。華人始聞其言。猶夫重昏之見。芻蕘。後五百歲。而達磨以法來。華人始傳其心。猶夫昧旦之覩。白日。自達磨六傳至大鑿。如貫意珠。有先後而無同異。世之言真宗者。所謂頓門。初達磨與佛衣俱來。得道傳付。以為真印。至大鑿。置而不傳。豈以為筌蹄耶。芻狗耶。將人人之莫已若。而不若置之耶。吾不得而知也。按大鑿生

新州三十。出家四十七年而歿。百有六年而謚。始自
蘄之東山。從第五師。得授記。以歸。高宗使中貴人再
徵。不奉詔。第以言為貴。上敬行之。銘曰。至人之生。無
有種類。同人者形。出人者智。蠢蠢南裔。降生傑異。父
乾母坤。獨肖元氣。一言頓悟。不踐初地。五葉相承。授
以寶器。宴坐曹溪。世號南宗。學徒屢來。如水之東。飲
以妙藥。差其瘖聾。詔不能致。許為法雄。去佛日遠。群
言積億。着空執有。各走其域。我立真筌。揚起南國。無
修而修。無得而得。能使學者。還其天職。如黑而迷。仰

見斗極。得之自然。竟不可傳。口傳手付。則解於有。留
衣中堂。得者天授。又撰佛衣銘曰。佛言不行。佛衣乃
爭。忽近貴遠。古今常情。尼父之生。土無一里。夢奠之
後。獲存千祀。惟昔有梁。如象之狂。達磨救世。來為醫
王。以言不痊。因物乃遷。如執符節。行乎覆闕。民不知
官。望車而畏。俗不知佛。得衣為貴。壞色之衣。道不在
茲。由之信道。所以為寶。六祖未彰。其出也微。既還狼
荒。襟俗虫虫。不有信器。衆生曷歸。是開便門。非止傳
衣。初必有終。傳豈無已。物必歸盡。衣胡久恃。先終知

終用乃不窮。我道無朽衣於何有。其用已陳孰非芻狗。

李德裕

德裕字文饒。吉甫子也。其先贊皇人。穆宗即位。擢翰林學士。官至司徒。同平章事。終崖州司戶參軍。懿宗追贈衛國公。寶曆中。公以淮海書院及所居宅。建甘露寺。以資穆宗冥福。時甘露降。故名。本傳并潤州。經。

萬敬儒

敬儒廬州人。三世同居。喪親廬墓。刺血寫佛經。斷手二指。輒復生。宣宗表其家。唐書本傳

吳道子

道子陽翟人。初名道子。玄宗改名道玄。工畫。下筆有神。玄宗召入供奉。於景公寺畫地獄變相。都人咸觀。皆懼罪修善。兩市屠沽不售。名畫記并統紀

杜荀鶴

荀鶴字彥之。早有詩名。大中中。登科。後遷主客員外郎。天祐初卒。自號九華山人。有詩集行世。其送僧詩

六 金澤編卷九
七
曰利門名路兩無憑百歲風前短焰燈只恐為僧心
不了為僧心了總輸僧

李舟

舟字公度龐西人岑之子也。有文章高志氣。杜甫有
詩二十六韻送之。首云代北有豪鷹生子毛盡赤。云
云舟嘗云釋迦生中國設教如周孔。周孔生西方。設
教如釋迦。天堂無則已有則君子登地獄無則已有
則小人人。李肇國史補

陸亘

亘觀察池州時普願禪師居南泉三十年。亘請入郡
伸弟子禮。亘曰弟子亦薄會佛法。師曰大夫十二時
中作麼生。亘曰寸絲不掛。師曰背下漢。亘見人雙陸
拈起骰子云。怎麼不怎麼。祇怎麼。信彩去時如何。師
拈起云。臭骨頭。花十八。傅灯

李鄴

鄴為河東節度巡官。大中八年。潭州岳麓寺沙門疏
言。往太原求大藏經。河東節度使司空盧鈞副使常
宙以經施之。鄴餞之以序。曰業儒之人喜排釋氏。其

論必曰禹湯文武之代皆無有釋。釋氏之興源於漢流於晉。弥漫於宋魏。齊梁陳隋。此衰世之所奉也。宜一掃絕。剗草之使不得滋。論者之言粗矣。抑能知其然。未知其所以然也。吾請精而言之。昔有一夫。膚脂而色凝。氣烈而神清。怡然保順。醫與禱無用也。復一夫而有風濕之疴。背癢而足臂耳聾。而目瞑。於是用攻熨焉。事禳禳焉。是二夫者。胡相反耶。病與不病異耳。嗚呼。三代之前世。康人良。禹湯文武。德義播之。周公孔子。典教持之。道風雖微。漸漬猶存。詐不勝信。惡

知避善。暨三代之季。世病矣。風俗大敗。詐力相乘。善以柔退。惡以強用。上下相仇。激為怨俗也。釋氏之教。以清淨恬虛為禪定。以柔謙退讓為忍辱。故怨爭可得而息也。以菲薄勤苦為修行。以窮達壽夭為因果。故貴賤可得而安也。怨爭息。則干戈盜賊之不興。貴賤安。則君臣民庶之有別。此佛聖人所以救衰世之道也。不有釋氏。尚安救之哉。今論者不責衰世之俗為難移。而尤釋氏之徒為無用。是不憐抱病之夫。而詬醫禱之為何人也。不思釋氏救世行化之為大益。

而且病其宮墻之麗徒衆之蕃雕鏤彩繪之費吾故
曰能知其然不知其所以然也。會昌季年武宗大剪
釋氏中其徒徹其居容貌於土木者沉諸水。言論於
紙素者投諸火。分命御史乘駟走天下。察敢隱匿者
罪之。於是天下名藍真宇毀去若掃。天子建號之初
雪釋氏不當廢也。亟下詔復之。而自湖以南。遠人畏
法體朝廷之嚴旨。焚撤經象。殆無遺餘。故今明命雖
頒。莫能得其經籍。道林寺。湘西之勝遊也。有釋疏言
獨曰。太原府。國家舊都。佛祠最多。大帥司空盧公。天

下仁人。我弟往。求遺書。或可得。既上謁軍門。公果諾
之。四馳以求逸文。月未幾。得經律論五十四十八卷。
輦而歸。嘻。釋氏救世之道。既言之矣。向非我明君洞
釜理源。何能復行其道。非司空公克崇大法。何能復
全其書。非沙門疏言深識法運。何能不憚遠求。以遂
茲盛典。奉聖上之命。興釋氏之宗。惠及後人。其功用
有不可勝言者。通論

裴肅

肅字中明。孟州濟源人。嘗任越州觀察使。捐俸重修

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

殿修卷指

龍興寺大佛殿今宝林寺初殿隳壞衆請曇彥法師修之彥曰非貧道緣力也後三百年有緋衣功德主來興此殿寺衆刻石記之及肅赴任施俸修殿果應彥記齊鑑

裴休

休字公美肅子也。操守嚴正。晝講經。夜著書。終年不出戶。有饋鹿者。休不食。曰。蔬食猶不足。今一啖肉。後何以繼。擢進士。為監察御史。同中書門下平章事。宣宗嘗曰。休真儒者。然嗜浮圖法。講求其說。當世朝之。

而所好不衰。休刺洪州。入龍興寺。觀畫壁。曰。容儀可觀。高僧何在。衆無對。休曰。此間有禪僧否。或曰。有。運禪師。混迹洒掃。可問之。休延至。以前語問之。運朗聲曰。裴休。休曰。諾。運曰。在甚麼處。休豁然契會。遂延入府。朝夕問道。因師黃蘗。休又嘗與圭峰密禪師遊。入其閭域。受其顯訣。議者以圭峰為禪耶。律耶。經論耶。休論之。曰。嘻。議者焉知大道之所趣哉。夫一心者。萬法之揔也。分而為戒定慧。開而為六度。散而為萬行。未嘗非一心。一心未嘗違萬行。禪者六度之一耳。何

能捨諸法哉。且諸祖或廣行法教。或專心禪寂。或鯨
鯨而去。或火化而滅。而法必同行。不必同也。故密師
之道。以知見為妙門。以寂靜為正味。慈忍為甲盾。慧
斷為劍矛。破內魔之高壘。陷外賊之堅陣。二乘不與
四分不振。吾師耻之。忠孝不並化。荷擔不勝往。吾師
耻之。故皇皇於濟拔。汲汲於開誘。其四依之人乎。其
十地之人乎。議者又焉。知大道之所趣哉。鶴僧左街
僧錄內供奉。三教談論賜紫。天達法師。端甫卒。休製
碑。畧曰。為丈夫者。在家則張仁義禮樂。輔天子。以扶

世導俗。出家則運慈悲定慧。佐如來。以闡教利生。捨
此無以為丈夫師。年十七。為比丘。自是經律論。無不
於天下。德宗聞其名。徵之。一見大悅。順宗仰其風。親
之。若昆弟。憲宗幸其寺。待之若賓友。由是天子益知
佛為大聖人也。當是時。朝廷方削平區夏。天子端拱
無事。詔和尚。率縑屬。迎真骨於靈山。開法場於秘殿。
既而刑不殘。兵不黷。赤子無愁聲。江海無驚浪。蓋崇
用真乘。以毘大政之明効也。休平居不御酒肉。作勸
發菩提心文。撰圓覺經序。法界觀序。禪源詮序。世服

其精要

舊唐史并傳灯

李商隱

商隱字義山。懷州人。詩文瓌邁奇古。號西崑體。其讚佛偈曰。吾儒之師曰魯仲尼。仲尼師聃。龍吾不知。聃師竺乾。善入無為。稽首大覺。吾師師師。商隱慕悟達國師。知玄之道。以弟子禮事之。嘗苦眼疾。乞玄冥禱。玄寄天眼偈三章。讀訖疾愈。僧傳統紀

呂巖

呂巖真人。字洞賓。京地人也。唐末三舉不第。偶於長

安酒肆遇鍾離權。授以延命術。自爾人莫之究。嘗遊廬山。歸宗。書鍾樓壁曰。一日清閒自在身。六神和合報平安。丹田有寶休尋道。對境無心莫問禪。未幾道經黃龍山。觀紫雲成蓋。疑有異人。乃入謁。值龍擊鼓陞堂。龍見意必呂公也。欲誘而進。厲聲曰。座傍有竊法者。呂毅然出。問一粒粟中藏世界。半升鐺內煮山川。且道此意如何。龍指曰。這守屍鬼。呂曰。爭奈囊有長生不死藥。龍曰。饒經八萬劫。終是落空亡。呂薄詆。飛劍脅之。劍不能入。遂再拜求指歸。龍詰曰。半升鐺

內黃山川。即不問如何。是一粒粟中藏世界。呂於言下。有契。作偈曰。棄却瓢囊。搥碎琴。如今不戀。永中金。自從一見黃龍後。始覺從前錯用心。龍囑令加護。後謁潭州智度覺禪師。有曰。余遊韶柳。東下湘江。今見覺公。觀其禪學精明。性源淳潔。促膝靜坐。收光內照。一衲之外。無餘衣。一鉢之外。無餘食。遠生死岸。破煩惱殼。方今佛衣寂寂。兮無傳。禪理懸懸。兮幾絕。扶而興者。真在吾師乎。聊作一絕。奉記。達者推心。方濟物。聖賢傳法。不離真。請師開說。西來意。七祖如今。未有人。

五燈會元

佛法金湯編卷第九

天台釋如惺重校

陳起白

董觀心朱龍泉

謝一吾卽元悅

諸海門朱少泉

晉孟嘉季龍我俞元賓滿君

管愛溪

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

劉瑛白

佛法金湯編卷第十

佛法金湯編卷第十

會稽沙門 心泰 編

天台沙門 真清 閱

梁

都汴徙洛二主一十六年

太祖

帝姓朱諱溫宋州碭山午溝里人父誠以五經教授鄉里曰朱五經黃巢起溫為先鋒後背巢歸唐僖宗賜名全忠即位改元開平誕節勅百官詣寺行香祝

佛法金湯編卷第十

僧馬子王
壽。吳越王錢鏐幼子。因為僧。賜紫衣。號無相大師。
加同三十臘。五代史并統紀

均王

王諱瑱。字友貞。太祖第三子。即位於大梁。貞明元年。
東塔院沙門歸序進經論會要。編入大藏。賜號演教
大師。五代史并統紀

唐

起太原。入汴。徙洛。四主。一十三年

莊宗

法問力入

帝諱存勗。姓李。其先沙陀人。自號朱耶。至其後世。遂
以朱耶為姓。唐懿宗以其祖赤心討龐勳有功。賜姓
名曰李國昌。國昌生克用。克用生存勗。存勗即位。改
元同光。誕節。勅僧錄慧江。道士程紫霄。入內殿談論。
設千僧齋。二年。勅興化獎禪師。入內咨問禪法。帝曰。
朕下大梁。汝得一顆無價寶珠。未有人鬻價。獎曰。請
陛下寶看。帝以手舒幞頭角。獎曰。帝王之寶。誰敢酬
價。帝悅。獎亡。謚廣濟大師。通寂之塔。五代史并傳燈

晉

起太原都汴二主一十一年

高祖

帝諱敬瑭。姓石。明宗之壻。父棗。拔鷄。出於西夷。契丹主立敬瑭為帝。改元天福。國忌。勅宰臣百僚詣寺。行香。餽僧。永以為式。漢中沙門可洪。進大藏經音義。四百八十卷。勅入藏。

五代史并統紀

出帝

帝諱重貴。高祖兄敬儒之子。開運元年。勅為高祖。駕大藏經。奉安明聖寺。以資冥福。

統紀

漢

起太原都汴二主四年。高祖諱知遠。姓劉。其先沙

陀部人

周

都汴三主九年

太祖

帝諱威。姓郭。邢州堯山人。即位。改元廣順。誕節。勅宰臣百僚詣寺觀。建祝聖道場。

五代史

世宗

隋六代釋

帝諱崇。姓柴。邢州人。幼從姑長。太祖家。以謹厚見稱。太祖以為子。封晉王。尋即位。顯德元年。齊州開元寺。義楚法師進所撰釋氏六帖。勅付史館。頒行。賜紫方袍。仍加明教大師之號。高僧傳

五代十國

吳

據廬州。統二十八州。四世。四十六年。王楊行密字化源。廬州人。昭宗天復二年。封吳王。

南唐

據金陵。統三十五州。三世。四十九年。

李昇

昇字正倫。自稱唐建安王恪之後。吳楊行密養為子。諸子不能容。乃乞徐溫。冒姓徐。名知誥。後受吳禪。國號南唐。復姓李。更名昇。即李先主。升元初。改徐溫所建興教寺為清涼大道場。請撫州崇壽寺休復。悟空禪師居之。升元二年。改瓦官寺為升元寺。又改報先院為興慈寺。劉宋元嘉二年。文帝為高祖。建寺曰報恩。唐會昌末。廢之。楊吳太和六年。昇陵。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

國朝李景

公徐景運為親重建曰報先宛宋政和中改能仁寺

昇居建康作無遮大齋

七會天竺中印度沙門進貝葉書及舍利為贊昇召僧智玄譯其書并圖李長者像班之境內五代史并金陵志

李璟

景昇長子謚元宗即李中主保大中為先主造寺曰

奉先即保寧寺璟遷都南昌以子從嘉守建康璟造廬

山開先寺璟殂從嘉嗣位金陵志并紀載

李煜

煜字重光璟第六子初名從嘉及嗣位更名煜即李

後主嘗請文益禪師住報恩禪院署號淨慧禪師遷

住清涼寺文益示寂煜為建塔奉全身葬於江寧縣

之丹陽勅謚大法眼塔曰無相紀載并傳上元縣民暴

卒復甦云至冥司見先主白吾為宋齊丘所誤殺和

州降者千餘人寃訴受苦汝歸可語嗣君凡寺觀鳴

鐘吾苦暫休可造一鐘尤善吾在位日曾以于闐國

所進玉天王像藏于瓦官寺佛左膝人無知者汝以

為驗煜遂詣寺取玉像感泣無已乃造鐘於清涼寺

鐫其上曰薦烈祖孝高皇帝脫幽出厄以玉像建塔

鍾造淨成

編年

葬蔣山

曾慥類說并羽林

楚

扼潭州。統三十三州。六世。五十七年。

馬殷

殷字霸圖。許州人。昭宗拜為潭州刺史。梁太祖封為楚王。石門蘊禪師遷住穴山。道由潭州。王出城迎接。便問如何。是祖師。西來大道。師曰。御駕六龍。千古秀玉階。排仗出金門。王大喜。延入天冊府供養。釋監

吳越

據杭州。統十三州。四世。八十四年。

錢鏐

鏐字具美。錢唐人。唐僖宗時。鏐率鄉兵破走黃巢。昭宗拜為鎮海鎮東軍節度使。天復二年。封越王。梁太祖封吳越王。唐莊宗賜玉冊金印。年八十一。謚武肅王。紀載嘗遣沙門清外。同王弟鐸。往四明阿育王山。迎釋迦舍利塔。舟還西陵。塔夜放光。浙江如晝。王躬迎。至羅漢寺。廣陳供養。王鎮越時。患目。肯夢素衣仙人。言來自永嘉。明日。果有永嘉僧。以大士像獻。言得

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

見像目明

之海潮。示夢欲歸越。王見像而目即明。乃創庵。曰興福。以奉之。興福今圓通寺像。猶存。出統紀。王請鏡清道愆禪師。住杭之天龍寺。又建龍冊寺。以居之。命沙門可周於天寶堂。夜為冥司講經。鬼神現形聽法。賜可周金鉢紫衣。加精志通明之號。高僧傳

錢弘佐

弘佐。文穆王元瓘子也。襲封吳越國王。謚忠獻。嘗遣僧慧龜。往雙林。啓善慧大士。傳公塔。得靈骨十六片。如紫金色。舍利無數。乃迎靈骨。并淨瓶。香爐。扣門槌。

真像所

諸物。至錢塘。安光冊殿。供養。建龍華寺。以靈骨塑大士像於寺。統紀

錢弘俶

弘俶。文穆第九子。襲封吳越國王。謚忠懿。嘗慕阿育王。造八萬四千塔。中藏寶篋。篋中置印心呪經。十年訖。功布散部內。統紀王延衢。州道潛禪師。入府受菩薩戒。署號慈化定慧禪師。建大伽藍於南山。曰慧日。永明請潛居之。潛嘗從王求塔下十六金銅羅漢像。王適夢十六人。從潛而行。乃異。而與之。此淨慈所以

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

有羅漢殿也嘗請雪竇延壽禪師開山靈隱新寺明

軍遷住永明淨慈寺記福州支提山有天冠菩薩二千

神千

眷屬王施七寶鑄天冠像一千尊仍造寺宇支提寺記

王因覽永嘉集有同除四住此處為齊若伏無明三

藏即劣之語以問韶國師師曰此是教義可問天台

寂師遂召以問寂曰此出智者妙玄自唐末喪亂教

籍多出海外於是遣使十人往日本取教典以回為

建寺螺溪曰定慧統紀王嘗飯僧問延壽曰今日還

有真僧降否荅曰長耳和尚乃定光佛化身也此機

一世即跏趺而逝肉身猶存法相寺記

閩

據福州統五州六世五十五年

王審知

審知字信通光州人梁封閩王王嘗延雪峰存玄沙

脩三禪師入府求示心法乃云大王志心聽取幻化

空身是大王法身知見覺了是大王自性觀心無心

從妄想起戒心自空即悟實相已知本性則一時放

下不得別生絲毫許也王禮二師曰吉生慶幸得逢

王

金瓶梅卷下

指示捨金二十錠。二師不受。王問玄沙曰：此一真心，本無生滅。今此一身從何而有？師曰：此本源真性，徧周法界。為妄想故，而一點識性從父母妄緣而生。受千般苦身，有輪回大王。既知覺了，不落惡趣。但請大王頻省妄念，歸真合道。王作禮喜受。雪峰錄 嘗建鼓山寺，請晏國師開山。玄沙示寂，為建塔，賜號宗一禪師。又請稜禪師居長樂府西院，奏額曰長慶。雪峰示疾，王命醫診視。師曰：吾非疾也，竟不服藥。經月餘，遊藍田，歸澡身中夜，入滅。初，王雅隆師道，其住雪峰為

之增字設像鑄鐘以嚴其山優施以充其衆

釋監

王延鈞

延鈞，審知次子。素奉佛法，度僧一萬人。由是閩中多僧。嘗請羅山和尚開堂說法，升座，斂衣。左右顧視，便下座。王近前執羅山手曰：靈山一會，何異今日？師曰：將謂你是個俗漢。傳灯 王請建州夢筆和尚齋，問云：和尚還將得筆來也？無。師曰：不是稽山繡管，亦非月裡兔毫。

王延義

金湯編卷下

九

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

光放塔石

延義審知少子。王度僧萬一千人。嘗於城南西阜。建石塔七層。功未半。光發如盖者。三夕。既成。光耀際天。又三夕。王生慰幸。遂額其塔曰淨光。又建寺其下。稽

古畧

南平

據荊州。統三州。五世。五十七年。王高季興

東漢

據太原。統十一州。三世。十一年。王劉旻

蜀

據成都。統四十八州。二世。三十五年

王建

王諱建。貫休入蜀。以詩謁建曰。一瓶一鉢垂垂老。萬水千山得得來。建待以殊禮。賜禪月大師之號。手鑑

後蜀

南漢

據廣州。統四十七州

劉隱 龔

南漢高祖

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

蘭得應發

隱上蔡人。梁封南平王。立功嶺南。遂有南海之地。既卒。第巖襲位。更名龔。又改名曰龔。即帝位。乃改國號曰漢。紀載初龔將興兵。命駕就靈樹。敏公決可否。敏前知之。手封隘子。語侍者曰。王來。出以似之。敏怡然坐化。王果至。聞敏已化。大驚。侍者乃出隘子。王發隘得簡。曰。人天眼目。堂中上座。王乃請文偃繼其法席。又迎至府。開法。僧寶傳

趙王鎔

王諱鎔。帥真定。自稱趙王。嘗入東院。訪從諗禪師。值

師坐禪。鎔禮拜訖。左右問師曰。列土主來。為甚麼不起接。師云。你不會老僧意。這裡下等人來。出山門接。中等人來。下禪堂接。上等人來。禪床上接。不可喚大王作中下等人也。恐屈大王。王歡喜。請入內。供養師。既屆城門。闔城威儀迎之。入內。師纔下寶輦。王乃設拜。請師上殿。正位而坐。師良久。以手斫額。云。塔下立者。是何官長。左右云。乃是諸院尊宿。并大師德。師云。他各是一方化主。若在階下。老僧亦起。王乃威命上殿。是日齋筵。將罷。各問佛法。師運慈悲。一一開悟。一

金剛經卷下

社

日王又入東院訪師。師不起。以手拍膝云。會麼。王云。不會。師云。自小持齋。今已老。見人無力下禪床。王問師云。和尚尊年。有幾个齒在。師云。只有一个。王云。爭喫得物。師云。雖然一个。下下咬着。王讚師像白。碧溪之月。青鏡中頭。我師我化。天下趙州。禪林類聚

宋齊丘

齊丘不知何許人。徐知誥為淮南節度行軍副使。以齊丘為謀主。後相南唐。初隱士譚景升居終南山。與陳搏為友。著化書百十篇。嘗游三茅山。見齊丘有仙

識師州題

風道骨。出書示之。屬為序。齊丘乃竊以己名行世。其六十六篇有曰。梓潼帝君嘗言于受業報。為邛池龍羈於積水之下。連年旱虐。水復為泥。身既廣大。無穴可容。烈日上臨。內外熱惱。諸鱗甲中。各生小虫。啣齧困苦。一日晨涼。天光忽開。五色雲氣浮空。而過中有瑞相。紺髮螺旋。金容月瑩。山靈河伯。萬眾稽首讚歎。歡喜聲動天地。天香繚繞。隨處生春。予乃仰首哀號。乞垂救度。萬靈諸聖。咸謂予曰。此西方大聖正覺世尊釋迦文也。今以教法流行東土。隨教化身。將往中

金湯編卷三

三

國爾既遭逢宿業可脫予乃身自踴躍入天光中其
陳往昔報應之理世尊荅言善哉帝子汝於向來孝
忠家國又復憫世生護持心因果未周仇敵相爭以
人我相肆興殘忍遷怒於物業債當償今復自悔欲
求解脫汝於此時復有寃親之想與夫嗔恚愚癡之
念否予聞至理心地開朗內外澄然如雲空住自顧
其身隨念消滅復為男子得灌頂智予皈依焉蜀有
梓潼帝君廟

邊鎬

子佛造

鎬初生父母夢謝靈運入室故小名康樂任南唐以
都虞侯從查文徽克建州凡所俘獲皆全之建人謂
之邊佛子及克潭州市不易肆謂之邊菩薩既而為
節度使惟日設齋供盛修佛事潭人謂之邊和尚五
代史

劉煦

煦字耀遠涿州歸義人唐昭宗天祐中為軍事衙推
五代晉開運初授司空平章事又監修國史撰唐書
佛祖靈跡咸載之嘗撰神秀傳畧曰昔後魏末有僧

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

金湯編卷十一

達磨者。本天竺國王子。以護國出家。入南海得禪宗妙法。自釋迦相傳。有衣鉢為記。世相付授。初來至梁。謁武帝。帝問以有為之事。不契。乃之魏。隱於嵩山少室寺。而卒。其年魏使宋雲於葱嶺見之。後門徒發其墓。但見衣履而已。達磨傳慧。可傳僧璨。璨傳道信。信傳弘忍。忍傳慧能云云。本傳并正宗記

天台釋如惺重校

顧瀛點
唐嗣宗
顧元康
姚元灝傳經

佛法金湯編卷第十一

會稽沙門 心泰 編

天台沙門 真清 閱

宋

都汴起。太祖庚申。盡欽宗丙午。九主。一百六十七年。

太祖

太祖諱匡胤。趙姓。其先涿人也。太祖生於洛陽。故為洛陽人。父弘殷。追謚宣祖。太祖仕周。為歸德軍節度

使殿前都點檢受詔北征宿陳橋驛將士推戴以黃袍加身建隆元年正月受周恭帝禪詔以是年二月十六日聖誕為長春節普度童行八千人國朝會要二月詔於廣陵戰地造寺曰建隆賜田四頃命沙門道暉主之年錄初太祖目擊周世宗鎔範鎮州大悲菩薩銅像鑄為錢太祖密訪麻衣和尚問曰自古有毀佛天子乎麻衣曰何必問古事請以燕官家目擊可驗太祖曰主上崇神武聰明善任人日夜圖治以混一為心有唐太宗之風不知天下何日定矣麻衣

不麻訪察

曰甲子至將大定太祖因問古天子毀佛法與大周何如麻衣曰魏太武毀寺焚經像坑沙門故父子不得其死周武帝毀佛寺籍僧歸民末五年遽縈風疹北伐年三十六崩於乘輿國亦尋滅唐武宗毀天下佛寺在位六年年三十二神龜再僭而黃巢群盜並起太祖曰天下久厭兵毀佛法非社稷福奈何麻衣曰白氣已地不逾數月至申辰當有聖帝大興興則佛法賴之亦興傳世無窮請太尉默記之及即位屢建佛寺歲度僧人歐陽外傳二年聖誕日京師及諸

宋金史紀事本末

三四三

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

郡縣咸令有德沙門陞座祝聖永為常准三年詔每歲試童行通妙法華經者祠部給牒披剃乾德四年詔遣僧百人徃西域求經開寶元年九月詔成都府造金銀字藏經各一藏敕兵部劉熙古監視五年敕刻佛經一藏帝自用兵平列國前後造金銀字經數藏稽古畧八年上自洛陽回京手書金剛經常自讀誦趙普因奏事見之上曰不欲甲冑之士知之但言常讀兵書可也北山錄

太宗

人萬七十號

太宗諱匡乂更名炅宣祖第三子太祖同母弟太平興國元年詔普度天下童子十七萬人國朝會要二年初周世宗廢龍興寺以為官倉國初寺僧擊鼓求復至是不已帝遣使持劍詰之曰前朝為倉日久何為煩賣天庭且密戒使者懼即斬之僧詞自若曰前朝不道毀像廢寺正賴今日聖朝興復之耳貧道何畏一死中使以聞帝大感嘆敕復之賜額曰太平興國宋朝事三年沙門贊寧隨吳越王入朝賜號通慧大師敕住左街天壽寺令修僧史四年詔贊寧乘驛往

宋 雜錄卷下

三五六七

明州阿育王山。迎取真身舍利塔。入禁中。供養。復得舍利一顆。造塔十一級。於開寶寺。帝手自安奉。五年正月。敕張廷訓。往五臺山。造金銅文殊萬菩薩像。奉安真容院。勅張仁贊。往成都鑄金銅普賢像。高二丈。奉安峨眉山普賢寺之白水建大閣以覆之。詔建開聖禪寺於誕生之地。奉優填王栴檀瑞像。敕衛欽。往泗州。修僧伽大師塔。凡十三層。改普照王寺為太平興國。七年。詔立譯經傳法院。手東京。如唐故事。以宰輔為譯經潤文使。七月。天息災。上新譯聖佛母經法。

聖教序

天上吉祥持世經施護上如來莊嚴經各一卷。十月。敕贊寧編修高僧傳。自唐貞觀二十年。至宋端拱元年。成三十卷。敕賜入藏。是年。帝遣使鐘山。祭誌公。賜號道林真覺菩薩。八年。帝以新譯經示宰臣。曰。佛氏之教。有裨政理。普利群生。達者自悟淵源。愚者妄生誣謗。朕於此道微識其宗。凡為君而正心無私。即自利行也。凡行一善以安天下。即利他行也。如梁武捨身為奴。此小乘偏見。非後代所宜法也。統紀御製聖教序畧曰。大矣哉。我佛之教也。化導群迷。闡揚宗性。

義理幽玄。真空莫測。包括萬象。譬喻無根。綜法網之化綱。演無際之正教。拔四生於苦海。譯三藏之秘言。大則說諸善惡。細則比於河沙。含識萬端。弗可盡述。全文見藏經。

真宗

真宗諱元侃。更名亘。太宗第三子。咸平元年。詔贊寧為右街僧錄。主管教門事。帝嘗製崇釋論畧曰。奉乃十力。輔茲五常。上法之以愛民。下導之而遷善。誠可庇黎庶而登仁壽也。又曰。釋氏戒律之書。與周孔

荀孟迹異而道同。大旨勸人為善。禁人為惡。不殺則仁矣。不盜則廉矣。不惑則信矣。不妄則正矣。不醉則莊矣。景德四年。臣僚言。愚民無知。謂捨財可以邀福。修供可以滅罪。蠹害國政。宜加禁止。上謂宰臣曰。佛教使人遷善。誠有益。安可禁之。且佛法所至甚廣。雖荒服諸國。皆知信奉。唯道教中原有之。然不甚盛。王旦對曰。頃歲虜使登開寶塔。瞻禮甚虔。誓當戒殺。及至上清宮。不復屈膝。是知四夷唯重佛而已。上曰。然大中祥符三年。詔京師太平興國寺。立奉先甘露戒

壇。天下諸路皆立戒壇。凡七十三所。天禧元年。詔天下立放生池。二年。敕江寧府長干寺。曰天禧塔。曰聖感。四年。宰相寇準。翰林楊億。以四明知禮法師行業及遺身事奏聞。帝曰。但傳朕意。請留住世。特賜法智大師之號。帝註四十二章經。入藏。頒行。統紀并稽古畧帝製聖教序畧曰。高明肇分。三辰方乃序其次。厚載初定。萬彙於以發乎端。清濁之體既彰。善惡之源是顯。然後以文物立其教。以正典化其俗。於是乎像法來於中國。真諦流於中夏。洞貫今古。真實之理。無以窮。

囊括九圍玄妙之門。莫能究言乎妄想。則五蘊皆空。現乃真容。則一毫圓滿。廣大之教。豈能紀述者哉。

仁宗

仁宗諱禎。真宗第六子。天聖元年。帝常頂玉冠。冠上琢觀音像。左右以玉重請易之。帝曰。三公百官揖於下者。皆天下英賢。豈朕所敢當。特君臣之分。不得不爾。朕冠此冠。將令回禮於大士也。鄭景重家集九年。四月。勅韶州守臣詣寶林山南華寺。迎六祖衣鉢。又禁中清淨堂。供養勅兵部侍郎晏殊。撰六祖衣鉢記。景祐

卷六

宋史卷六

四年詔曰朕荷祖宗之休丕承洪業未嘗不虔懷逸
士曷席幽人雅聞天台之石橋近接四明之雪竇智
覺之遺風具在應真之靈跡儼存慨想名山載形夢
寐今遣內侍張履信賫沉香山一座龍茶二百斤銀
五百兩御服一襲表朕崇重之意慶曆三年六月詔
迎相國寺佛牙禱于禁中初太祖疑宣律師佛牙非
真遣使取自洛以火煨之色不變太祖敬其神異御
製發願文太宗復取驗以火御造偈讚申敬因奉安
相國法華院真宗又迎供開寶寺瞻拜之夕神光洞

發御製偈贊至是以佛牙三朝敬事祖宗御封帝手
啓之灌以海上薔薇水忽得舍利一顆五色映人帝
因為贊皇祐元年內侍李允寧奏施汴宅一區建寺
賜額曰十方淨因禪院帝留意空宗下三省定議召
有道者住持歐陽脩程師孟奏請廬山圓通寺居訥
訥称疾不起訥以懷踵應詔召對化成殿問佛法大
意奏對称肯賜號大覺至和二年大覺乞歸老山中
帝曰山即如如體也將安歸乎不許嘉祐三年契嵩
進正宗記十二卷輔教編三卷定祖圖等書帝覽其

書至謀道不謀名。為法不為身。嘆愛其誠。賜其書入
藏。僧寶傳統紀雪竇寺記宸奎閣記

英宗

英宗諱宗寔。仁宗之兄。濮王第十三子。仁宗立為皇
太子。賜名曙。治平二年。杭守沈文通奏天竺觀世音
菩薩。始自石晉。至今治平。福天下。澤生民。前後靈跡
甚著。宰相曾公亮。敷陳其事。遂賜額。曰靈感觀世音
院。是年勅大相國寺造三朝御製佛牙讚碑。翰林學
士王珪撰文。左僕射魏國公賈昌朝書。右僕射兼譯

經潤文使魏國公韓琦立石。太宗讚曰。功成積劫印
文端。不是南山得恐難。眼觀數重金色潤。手擎一片
玉光寒。鍊時百火精神透。藏處千年瑩采完。定果薰
修真秘密。正心莫作等閒看。真宗讚曰。西方大聖號
迦文。接物垂慈世所尊。常願進修增妙果。庶期饒益
富黎元。仁宗讚曰。三皇掩質皆歸土。五帝潛形已化
塵。夫子域中夸是聖。老君世上亦言真。埋軀祇見遺
空塚。何處將身示後人。唯有吾師金骨在。曾經百鍊
色長新。三年淨因。連禪師乞歸。四明阿育王山。帝賜

手詔曰。天下寺院。任性住持。師遂建宸奎閣。以奉先

朝聖製統紀

神宗

神宗諱項。英宗長子。熙寧二年。詔衡州迎常寧資福
寺玉塔入京。塔高一尋。累以玉石。阿育王所造第九
塔也。十年夏旱。帝於禁中齋禱甚虔。夜夢神僧馳馬
空中。口吐雲霧。覺而雨大霑。敕求其像。得之相國寺。
第十三尊羅漢。詔迎入內。供養。宰相王珪以詩稱賀。
曰。良獬為霖孤宿望。神僧作霧應精求。叅政元絳續

曰。仙驥乘雲穿仗

下。佛花吹雨洒天流。

東軒筆

元豐

三年正月。敕大內

設千僧齋。施袈裟金剛經。為慈聖

太后追福。五年。詔

相國寺闢六十四院。為八禪二律。

以東西序為惠林。

旨海二巨刹。詔淨慈宗本禪師住

惠林。東林常總禪

師住智海。總固辭。許之。本入對延

和殿。山呼罷。即就

榻跏趺。侍衛驚顧。而師自若。賜茶

至舉盞長吸。又蕩

撼之。帝問受業。對曰。承天永安。帝

喜。語論久之。既退。

帝目送之。謂左右曰。真福慧僧也。

侍者問主上何語。曰。喫茶閒話耳。

統紀稽古畧

哲宗

哲宗諱煦。神宗第六子。元祐元年。四月。詔法雲秀禪師。就先帝神御前。說法。賜號圓通高麗王子祐世僧。統義天來朝。敕禮前蘇軾館伴。仍敕主客楊傑。送至錢唐受法。三年。敕內侍賈黃金往東林。裝飾神運五殿佛像。統紀。

徽宗

徽宗諱佖。神宗第十子。建中靖國元年。汴京法雲寺佛國禪師惟白。撰續燈錄三十卷。進上。御製序畧曰。

釋迦如來之出世也。唱道雞園。騰芳鷲嶺。西掖竺土。東流震旦。則正法眼藏。獨付於欽光。自達磨西來。寔為初祖。至於曹溪。南岳。青原。而下。分為五宗。各擅門風。應機酬對。雖建立不同。而會歸則一。佛國禪師惟白。探取上乘。了第一義。屢入中禁。三登高座。宣揚妙旨。良愜至懷。是錄也。直指性宗。單傳心印。可得於眉睫。可薦於言前。舉子而擊妙喜世界。彈指而成莊嚴樓閣。神通妙用。不可思議者也。普灼崇寧三年。敕迎相國寺三朝御製釋迦佛牙。入內供奉。隔水晶匣。舍

利出如雨點。因製頌曰。大聖釋迦文。虛空等一塵。有求皆赴感。無刹不分身。玉瑩千輪在。金剛百煉新。我今恭敬禮。普願濟群倫。政和三年。詔沙門永道。住左街崇先香積院。四月。嘉州奏風折大樹。有僧在定。帝令送至京師。八月。入內譯經院。金總持三歲。鳴金磬。出其定。僧曰。戒東林遠法師弟慧持也。西遊峨眉。因入定於此。三歲徐曰。今欲何歸。曰。陳留。即復入定。帝令繪像頒行天下。仍製讚三首。其一曰。七百年來老古錘。定中消息許誰知。爭如隻履西歸去。生死徒勞

木作皮普灯宣和元年。帝惑於林靈素之說。詔改佛為大覺金仙。僧為德士。寺為宮觀。左街大師永道上書曰。自古佛法。未嘗不興。國運同盛衰。魏太武崔浩滅佛法。未三四年。浩竟赤族。文成大興之。周武衛元萬滅佛法。不五六年。元萬貶死。隋文帝大興之。唐武宗趙歸真。李德裕滅佛法。不一年。歸真被誅。德裕竄死。宣宗大興之。戒國家太祖太宗。列聖相承。譯經試僧。大興佛法。成憲具在。雖萬世可守也。陛下何忍一旦用姦人之言。為驚世之舉。陛下不思太武見弑於

六
金澤編卷五
閻人之手乎。周武為鐵獄之囚乎。唐武奪壽去位之報乎。此皆前鑒可觀者。陛下何為蹈惡君之禍而違祖宗之法乎。書奏。帝怒。敕流道州。本傳二年九月。詔大復天下僧尼。道州永道量移近處。七年六月。得旨。回。敕住昭先禪院。賜名法道。以旌護法。

李昉

昉字明遠。深州鐵陽人。仕周。漢。歸宋。三入翰林。兩入中書。謚文正。太平興國間。與徐鉉等進太平廣記五百卷。其間錄佛法者三十卷。上自漢明。終於五代。古

今。悟心得道之衆。神僧經論定慧之學。君臣信毀休咎之徵。靡所不載。

范質

質字文素。大名宋城人。建隆初。拜相。封魯國公。太祖詔以二月十六日聖誕為長春節。賜百官宴於相國寺。質嘗撰聖齋疏。曰。素虹紀瑞。表覺帝之下生。紺馬效靈。應輪王之出世。非夫威震四天。則不足感自然之寶。非夫位尊三界。則孰能致希有之祥。壽命同百億。須彌德澤被三千世界。恒沙可筭。天祿難窮。墨海

金澤卷五
雖乾皇圖益固 國朝會典

王禹偁

禹偁字元之。濟州鉅野人。太宗聞其賢。召拜右拾遺。真宗除知制誥。咸平四年。史館修撰。左街僧錄贊寧亡。禹偁序其文。略曰。師年八十二。視聽不衰。歷京師十四朝。吳越四世。終能受洪範享用之福。處浮圖具瞻之地。所謂必得其壽。必得其位者乎。師所述內典錄百五十卷。外集四十九卷。覽其文。知其道矣。本集初禹偁嘗有僧辱之。故不喜僧。及守蘇州時。虎丘住

山雪堂淨禪師。自以詩僧通名謁之。禹偁曰。詩僧焉敢謁王侯。淨即應之曰。大海終須納細流。昨夜虎丘山上望。一輪明月照蘇州。禹偁大悅。遂相與交好。贊寧本傳虎丘板刻

呂蒙正

蒙正字聖功。河南人。太宗淳化。真宗咸平間。兩入相。封許國公。謚文穆。微時。宴甚。嘗謁人。有詩云。十謁朱扉九不開。滿身風雪又歸來。入門懶覩妻兒面。撥盡寒爐一瘦灰。有僧憐且竒之。給其食。彌月。又畫。乃令

就居房廊。隨僧粥飯。遂得安心讀書。獲薦。僧復備裝遣之。竟魁多士。後執政十年。郊祀俸給。皆不請。帝問其故。對以私恩未報。帝詰之。以實對。帝曰。僧中有若人耶。以恩俸與寄食之寺。以爵宿德。公嘗晨興禮佛。祝曰。不信三寶者。願勿生我家。願子孫世世食祿護持佛法。公之姪夷簡。簡之子公著。並封申公。皆知敬佛法。公居政府。焚疏請言法華齋。翼日。言至。坐公堂上。公將出。心思當拜不當拜。言大呼曰。呂老子快出來。拜亦得。不拜亦得。公大驚。遽出拜之。齋畢。問未來

休咎。言索筆書亳州二字。及罷相。知亳州。始悟前識。
武庫

王旦

百社淨為

旦。字子明。大名莘人也。相真宗。謚文正。淳化二年。杭州昭慶寺僧省常刺血書華嚴淨行品。結社修淨業。旦為之首。參政蘇易簡。一百三十二人。一時十大夫。皆稱淨行社。弟子比丘預者千衆。人謂廬山蓮社。莫如此日之盛也。天禧元年九月。旦薨。先一日。囑翰林楊億曰。吾深厭勞生。願來世為僧。宴坐林間。觀心為

樂幸於死後。為戒請大德施戒剃髮鬚。著三衣。火葬。勿以金寶置棺內。億為諸孤議。曰。公三公也。歛贈公袞。豈可加於僧體。但以三衣置柩中。不藏寶玉。湘山野錄

楊億

億字大年。建州蒲城人。真宗朝。拜正言。遷知制誥。謚文公。景德初。沙門道原。進禪宗傳燈三十卷。詔億裁定頒行。億為序。嘗自叙師承本末。曰。自雙林影滅。隻履西歸。中心浩然。固知所旨。有蒙安公大師。每垂誘

導。又得雲門諒公。肯趣。正與安公同轍。並自廬山歸。宗雲居而來。皆法眼之流。齋去年。假守茲郡。適會廣慧連公。是嗣南院念公。齋中務簡。退食多暇。或坐邀而至。或命駕從之。請叩無方。蒙滯俱釋。半歲之後。曠然弗疑。如忘忽記。如睡忽覺。平昔礙膺之物。噤然自落。積劫未明之事。廓爾現前。固亦決擇之洞分。應接之無蹇矣。今繼紹之緣。實屬於廣慧。而提激之自良。出於鰲峰也。億臨終偈。曰。漚生與漚滅。二法本來齊。欲識真歸趣。趙州東院西。僧室傳并釋監億序清規畧曰。

百丈大智禪師以禪宗肇自少室。至曹溪以來。多居律寺。雖列別院。然於說法住持。未合規模。於是別立禪居。凡具道眼者。有可尊之德。號曰長老。處於方丈。同淨名之室。不立佛殿。唯楹法堂者。表佛祖親。囑受當代為尊也。所哀學衆。無多少高下。盡入僧堂。設長連床。施椀架掛搭道具。則必斜枕床唇。右脇吉祥睡者。以其坐禪既久。偃息而已。具四威儀也。其闔院大眾。朝參夕聚。長老上堂升座。主寺徒衆雁立。側聆賓主問酬。激揚宗要者。示依法而住也。齋粥二時均適。

表法食雙運也。行普請法。上下均力。或有假號竊形。混於清衆。致喧擾之事。擯令出院者。貴安清衆也。或有所犯。即以拄杖杖之。集衆燒衣盃道具。遣逐從偏門而出者。示耻辱也。一不污清衆。二不毀僧形。三不擾公門。四不泄於外。四來同居。聖凡孰辨。且如來應世。尚有六群之黨。况今像末。豈得全無。但見一僧有過。便雷例譏誚。殊不知輕衆壞法。其損甚大。且立法防姦。不為賢士。然寧可有格而無犯。不可有犯而無教。大智禪師護法之益其大矣哉。

呂夷簡

夷簡字坦夫。其先來州人。後徙壽州。仁宗朝。大拜。在中書二十年。封許公。謚文靖。嘗奉詔。與宋綬續修法寶錄。自祥符四年。至景祐三年。編成。一百六十一卷。御製序。

范仲淹

仲淹字希文。汝南人。慶曆中。參大政。謚文正。慶曆初。宣撫河東。寓宿寶德傳舍。獲故經一卷。名十六羅漢因果識見頌。藏經所未錄也。仲淹為之序。此頌文一

錄中法

尊者七首。皆悟本成佛之言也。余讀之。一頌一悟。方知塵世有無邊聖法。大藏遺落。其文因以傳江陵沙門慧詰。俾行於世。鄭氏家集公守吳日。瑯琊覺禪師謁之。留數日。公於言下。知歸與師偈曰。連朝共話釋疑團。豈為浮生半日閒。直欲與師閒到老。盡收識性入玄關。資監

曾會

修撰曾會居士。幼與明覺同舍。及冠。異途。天禧間。公守池州。一日會於景德寺。公遂引中庸大學。恭以楞

嚴符宗門語句質明覺覺曰。這個尚不與教乘合。况中庸大學耶。學士要徑捷理會此事。乃彈指一下。曰。但恁麼薦取。公於言下領旨。天聖初。公守四明。以書幣迎師。補雪竇述語錄。序云。夫指菩提之妙明。假言說之方便。立宗分祖。多成勝負之爭。執相滯名。罕契圓常之理。云。五燈會元。

李沆

沆字太初。咸平初。拜相。謚文靖。深通釋典。尤厭榮利。嘗言土木甲兵之事。後皆有驗。王旦嘆曰。李文靖真

聖人也。家人以所居第湫隘勸治之。公曰。身食厚祿。時有橫賜。計亦可治。但念內典。以此世界為缺陷。安得圓滿如意。自求稱足耶。臨終。右脇而逝。時盛暑。停屍七日。室無穢氣。人謂履踐之驗也。名臣言行錄。

丁謂

謂字公言。太宗朝。登第。後相真宗。封晉國公。杭僧省常與公卿大夫結淨行社。公作詩云。已悟何須傍水雲。未休終是利名身。伊予冷笑陶彭澤。却作蓮花社外人。資鑑。有齋僧畧畧曰。佛垂徧知。道育群生。凡欲

救於傾危。必預形於景貺。謂白衣干祿。叨冢宰之重權。丹陛宣恩。忝先皇之優渥。補仲山之袞。由盡巧心。和傳說之美。難調衆口。方知富貴。難保始終。直饒鼎食之榮。豈若孟葵之美。特形皈命。恭發精誠。虔施白金。充修淨供。飯必藿之高德。谷懶贖之深慈。冀保此行。乞無他恙。伏願天回南眷。澤賜下臨。免置邊夷。白日並同於鬼趣。賜歸中夏。黃泉再感於天恩。虔罄丹誠。永依法力。雲卧紀談

玉隨

隨。河陽人。相仁宗。封章惠公。慕裴休之為人。以御史中丞。出鎮錢唐。往興教寺。謁小壽禪師。機語契合。為方外之友。嘗謁首山念禪師。得言外之旨。自是履踐益深。竟明大法。與楊大年。皆號參禪有得者。先是大年編夾傳燈錄三十卷。隨刪去其繁。為十五卷。曰玉英集。胡致堂作序。隨臨終書偈曰。畫堂燈已滅。禪指向誰說。去住本尋常。春風掃殘雪。東都事畧并普灯

呂公著

公著字晦叔。夷簡之子。熙寧中。起知河南尹。元祐中。

與溫公並相。歷事四朝。封申公。蓋正獻晚年多讀釋典。益究禪理。溫公不喜佛。公每勸之。曰。佛學心術簡要。極其至要而識之。大率以正心無念為宗。溫公然之。言行錄

王安石

安石字介甫。臨川人。熙寧間拜相。封荆公。後罷相。歸建康。奏施舊第為禪寺。請沙門克文住持。勅賜額。曰報寧。賜文號曰真淨。公嘗參文。文謂公曰。日用是處力行之。非則同上之。不應以難易移其志。苟以今日

寺為禪

之難。掉頭弗顧。安知他日不難於今日乎。空訓公問張方平曰。孔子去世百年。生孟子。後絕無人。或有之。而非醇儒。方平曰。豈為無人。亦有過孔孟者。公曰。何人。方平曰。馬祖一。汾湯無業。雪峰存。巖頭奩。丹霞然。雲門偃。王公意未解。方平曰。儒門淡薄。收拾不住。皆歸釋氏。公欣然嘆服。後以語張商英。商英撫几賞之。曰。至哉此論也。武庫熙寧間。公行青苗法。其子雱為崇政殿說書。陰為父佐務新法。必行。雱卒。公亦罷相。宴閒中。一如夢寐。見一使領雱。荷鍬柳。號泣公前。謂

金易知卷上

三十一

三十一

獲譴由行青苗法。公問使者乞解脫。使曰：建寺齋僧可免。由是捨宅建寺。為薦冥福。言行錄。熙寧八年。公復相。一日奏事退。上曰：佛法於中國有補乎。公曰：君子小人皆知畏而從善。豈小補哉。編年

司馬光

光字君實。陝州夏縣人。元祐初。拜相。贈太師。封溫公。謚文正。號涑水先生。嘗作解禪偈。其序曰：文中子以佛為西方聖人。信如文中子之言。則佛之心可知矣。今之言禪者。好為隱語以相迷。大言以相勝。使學者

俛俛然。益入於迷妄。故予廣文中子之言而解之。作禪偈六首。若其果然。則雖中國行矣。其一曰：忿怒如烈火。利欲如鉛鋒。終朝常戚戚。是名阿鼻獄。其二曰：顏回安陋巷。孟軻養浩然。富貴如浮雲。是名極樂園。其三曰：孝道通神明。忠信行蠻貊。積善來百祥。是名作因果。其四曰：言為百世師。行為天下法。久久不可掩。是名不壞身。其五曰：仁人之安宅。義人之正路。行之誠且久。是名光明藏。其六曰：道意修一身。功德被萬物。為賢為大聖。是名佛菩薩。公嘗書心經以贈僧。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9


復題其後略曰退之排佛而稱大顛外形骸以理自
勝要自胸中無滯礙。豈是觀之者佛不為無符而所
排者迹耳

佛法金湯編第十一

天台釋如暉重交

僉憲俞新宇
助刻十一卷





三ノ四十